

KULIZIBYA

 Inga mwa kkala. Nda lumba maningi, mukwesu, Mukwesu Shores. Cili ii... Nda langanya eci kuba coolwe cipati kuba kokuno sunumasiku, mu i... eyi Assemblisi Ntaanzi ya Leza, alubo, ku luswaanano lwa Ijwi lya Leza, a ndinywe nobantu babotu, kuba antomwe a Mukwesu wesu uyandwa Shores alimwi, a—a bakwesu boonse abo mbe twa kaswaana mu mvwiki yoonse. Kwalo twa kajisi ciindi cibotu loko, ezi mvwiki zyobilo zyainda.

² Ta ndizi mbuli Mbwe kacita lyonse, mu myaka, kusola kuba aciindi cibotu kwiinda Nce jisi mvwiki eyi, cakuba aluswaanano antomwe abakwesu moonse mu Maricopa Valley, lweendo loonse kuzwa ku Mesa, kumusanza, a kumusanza ku Tucson, uuli ngu Jerusalema, mubwini, aa cilundu. Elyo tuli kondedwe kuswaya a bakwesu okuno mu Jeriko, mwabona, kumusanza okuno mu i... kumusanza kunsi lya cilundu. Ndali kulibuzya obo mbo kwali kuyoenda.

³ Elyo aboobo cindi ni Nda kali okuno, myaka minji yakainda, oko kwakali kuzundana lyoonse akati ka Tucson a Phoenix. Aboobo, Nda kayeeya buyo eco buzuba bumwi, nywebo mulizi. Ba kali kundiseka kujatikizya kujatilila ku Tucson. Elyo aboobo Nda kayeeya makani, ee, ili aa cilundu, yalo Jeriko ili mu kkuti, nywebo mulizi. Aboobo Nda kayeeya kuti inga caba buyo cimwi cibotu. Ee, tu jata Ba. Sityombo, umwi umbi kaselemuka. Tu yanda ku mubeleka.

⁴ Lino, cali ciindi cibotu loko, mbuli mbo Ndi loolola, alimwi ncobeni twa libotezya tobeni.

⁵ Lino, tuli bupa-...kulindila bulangizi bupati bwa muswaangano oyu wabaiminizi uatalika masiku juunza. Tu langila ciindi cibotu. Elyo muli ceece Nda kasola kubikka, mu nzila yangu ibombede ya kucicita, i ntalisyo, kubaanga nkubikka nkunyanyamukwa akati ka bantu, nkambo lubukulusyo olo luboola. Elyo lino tu jisi bakanazi bamwi babotu baboola, mu lubukulusyo olu luli awfaafwi lino. Mukwesu Velmer Gardner, a—a mukwesu umwi muna Methodisti oyo weelede kuba mukanazi mubotu loko, alimwi mpawo, kuli oko kumanizya kupati kwa malekelo konse, nkwa Mukwesu uyandwa Oral Roberts, ku masiku atobelwa mu Muvulo. Elyo Ndi syoma kuti Leza uyoopa bakwesu milumbe ili boobo iyo bamba Phoenix kuba ku mazwi ayo, kukankama, mu kuyoowa Leza.

⁶ Elyo twa soleka canguzu, mvwiki eyi, ku—ku bikka ntalisyo ya ceeco, ya kulibonya kufwambaana ikwa Mwana wa Leza. Alimwi Ndila syoma, alimwi kali kuyiisya, kuti kukonzeka kumaninide kuteeti inga Uya kuboola mu nzyalani eyi eno,

naaba masiku aya. Ta tuzi buyo cindi niciya kuyooba, pele tu yanda kulibambilila kooko, cindi cakuboola, tuyu unka a Nguwe mu Kukwempwa.

⁷ Cakali ciindi cipati. Nda kali kukambauka Milumbe eyi miyumu ijatikizya Kuboola Kwakwe, a kusola kubikka i—ziimo zya kukonzya, a oora eelyo ndyo tupona mo eno, a nzila zintuzyonse, ku muzeezo wangu, muzeezo wangu mubombe, cili buyo mu ciimo ca Kuboola kwa Mwami, kwa Kukwempwa, cintu citobela. Elyo konse kutako, inga kwacitika mu oora.

⁸ Ndila syoma, kunji, Ta ndizi buyo na nkunji buti, pele masinsime mapati masyoonto ajatikizya kuzulizigwa kwa kuboola kwa Mesiya a ceeco Nca yoocita, caka zulizigwa mu maoora aali ciloba aa mamanino ku ciingano. “Obo mbo bakayasa lubazu Lwangu, a Cangu...taakwe cifuwa caka tyolwa.” Elyo—elyo Wa kalila kuti, “Leza Wangu, nkaambonzi Wa Ndi siya?” A zisinsime zipati, zyaka citika buyo, comwe, cabili, catatu, cane, mbuli buyo obo, mu oora na obilo, cakutantamukana.

⁹ Lino, eco inga ca citika nzila njiyonya ku kubweeda Kwakwe. Elyo tweelede kupakamana, ca kulindila.

¹⁰ Mangolezya ainda Nda kayeeya kuti twa kajisi ciindi cibotu kунселело ku i—ku Assemblisi ya Leza kumusanza okuno. Nda syoma ngu Southside, ndiza, mbo yiitwa, Southside Assembly. Kaswaana mukwesu mubotu oyo Ngwe takalina swaangana mu lweendo, mbuli Mbwe yeeya, pele mukwesu muyandisi a nkamu mbotu ya bantu.

¹¹ Elyo twa kakanana, okuya busiku bwainda, Mulumbe wa... wa kuba a Nguwe mbuli oasisi, busena, ku Mu yeeya, eco coonse Nca kacita, cindi twa boola antoomwe, katu kkala koonse ku masena Aakujulu muli Kristo. A kuyeeya zintu ezyo Nzya kacita, a zintu ezyo Nzya kasyomezya kucita, obo Mbwa kasyomezya kuti Uyo swaangana andiswe. “Oko bobilo na botatwe nkoba bungene mu Zina Lyakwe, kuti Uyo oba akati kesu.” Mpawo, Nda kayeeya bupati bwa Leza mbo bwaka tondezegwa cakugambya loko cindi Na kaseluka mpoonya akati kesu, a kulinondezya Mwini, kuti Wa kaliko andiswe alubo. Eco cicibamba kabotu loko, kuti tuli munsi kumamanino. A zintu ezyo Nzya kasyomezya kucita, nkoonya ku mamanino, nkabela tula cibona kacitulanganya lino.

¹² Nda yeeyela, ndiza, kuti bunji bwa bantu awa bali—bali mbantu baka futuka. Elyo nde ndiswe notu komba a kubikka kusoleka kwesu lino ku kuboola kwa muswaangano wabaiminizi. Elyo twe elede kubindaanina a koonse kuli muli ndiswe, a kucita zintuzyonse nzo tukonzya. Kuba masimpe kuti twa kanana kuli basizibi boonse mu ciindi ca muswaangano oyu wabaiminizi. Amusikile simakwebo oonse, a muntu oonse uutana futuka, a baabo batakwe Kristo, kakutakwe Muuya

Uusalala. Tu yanda kubalanganya a Mulumbe, a Makanimabotu, abateme akkalikide kukulanganya bantu.

¹³ Lekela maumi esu abe munyo loko, cakuti bamwi inga balangilila nzila mbo tulilemeka a kupona, kuti bayo yanda kupona munzila eyo, abalo. Nywebo mulizi Jesu wakati, "Muli munyo wa nyika." Pele kuti munyo wasweekelwa bumboni, bwawo—bwawo, bwawo bulweezi, nguzu zyawo zikwela, mpawo taucikonzyi kuponya na kufutula. Munyo ula futula cindi wakwaba, alimwi twe elede—twe elede kuba kukwabana kwa Leza. Tuli mbaakani Yakwe ya kukwabanina, mbuli Mukwesu Roberts ziindi zinji mbwa tondeka ku kubikka janza lyakwe aa redio na cintucimwi ca mbaakana ya kukwabanina.

¹⁴ Lino, inga mwandimvwa kwaambaula cabweenzu aniini sunumasiku, pele masiku otatwe na one ainda Nda kacita kubweza jwi lyangu lyaatala. Ndi—Ndi... I limwi lya zakala. Aboobo, Ndi kananina atala, kuzwa atala lya mulomo wangu. Ta kulicengeezya, pele Nde elede kucicita, kubamba cibeela caansi kutantamuna kucisa. Nywebo mulizi, Leza ubaanga ula tubamba mu nzila, oko, ikuti na cibeela comwe cazakala loko, inga twa jata cimbi. Cimwi—cimwi... Nywebo mulizi, ciyobwedwe.

¹⁵ Elyo umwi waka ndibuzya, bumwi, ciindi cimwi, kati, "Mbobuti mbo konzya kweenda canguzu loko kwinda mu malundu azimwi zimbi?"

¹⁶ Nda kati, "Ee, Nda kaiya eco, mancenjela masyoonto, myaka minji yakainda, kuzwa kuli bama India." Mwabona? Inga weenda a mazwi ako, to belesyi maningi, cikungu cako, akulekela zikungu kulyookezya. Mpawo kweenda a zikungu zyako, a kutaamikisyia, akulekela mazwi ako kulyookezya, nywebo mwabona. Aboobo kulyookezya buyo a kweenda, kulyookezya a kweenda, kulyookezya a kweenda.

¹⁷ Eyo nje nzila mbo kambauka, kubelesya lyaatala mpawo lyaansi loko, lyaatala a lyaansi. Lekela limwi kulyookezya, mpawo limbi.

¹⁸ Oh, Leza wakapanga cintu cibotu cindi Na kapanga muntu! Nywebo mulizi kaambo? Cakali mu cinkozya Cakwe eco Nca kapanga muntu. Elyo aboobo nkumbi buti kubotu kwinda Leza?

¹⁹ Nda kakambauka maningi aa i—aa Kuboola kwa Kristo mu bukkalo obu, Nda yeeya kuti ndiza inga caba cintu cibotu sunumasiku kubaanga nku kkalilila aa zintu ezi zimwi Nze kali kwaambaula, a kuleta i—i kusinizya kwa ciwa ca buzuba obuno, mu busyu bwesu, ku Makanimabotu, a kubona obo mbo tubede, lwesu, babikkilidwe kabotu ku oora eli. Mbobuti mbo tuziba? Oyu inga waba muswaangano mupati wamamanino oyo Bantu aba Basimakwebo ngo bayo sola kuba awo. Nywebo mulizi, obu inga bwaba busiku bwamamanino obo First Assembly y elyo mambungano oonse amwi mu cisi coonse ayo julwa. Juunza, inga

ca citika, oonse ajalwa. Ta tuzi. Eci inga caba ciindi camamanino nolinga Bbaibbele lyabalwa ku bbunga eli. Aboobo, atu lingule buyo sunumasiku a kubona awo mpo tubede, ku kusinizya, kwa kaindi kaniini.

²⁰ Elyo mpawo tula unka, kusola kumanizya kufwambaana, kutegwa tukonzye kulekela bantu kuzwa a kuta mujata. Nda kabamba kwaamiba kwa nciki aniini mvwiki eyi, kuti Ndaila—Ndila mukkazika kwa ciindi cilamfu mu ciindi camasiku, ikuti na Ndi lizi kusotoka buyo mulimo wa sikati, eco tacika munyonganyi. Pele Nda kati, “Mujibelo masiku lino, konzyi mu ku mukkazika kwa ciindi cilamfu pe, nkaambo tamu konzyi kwiimpya kwiiya kwa Munsono. We elede kuba okuya ku bulizi bwa mulimo wako.” Aboobo, lino, Nse komukkazika kwa ciindi cilamfu sunumasiku, nkaambo ncobeni Ndi yanda kuti mukabeko okuya juunza masiku. Eco nco twa kali kweenzezya, eci ciindi cipati.

²¹ Elyo lino amu kombele boonse abo bakwesu bayo kanana. Amukombe kuti Leza uyo nanika batumwa Bakwe. A busiku obo bwamamanino, a Mukwesu Oral; wa kasalilwa ku kubikka kwa malekelo anguwo oonse. Ndi yeeya ceeco ciindi camamanino, mbuli mbo kwakabede ku buzuba bwamamanino aa pobwe cindi Jesu nakaimikila a kulila ku tempele. Oh, akube kuti tu kumvwve alubo. Akube kuti Leza aompolweda ndiswe, aku twiitila lubazu Lwakwe, bunganya mu Mbungano, bakanununwa Bakwe, Nabwiinga Wakwe oyo Ngwa kaula caluzyalo loko kubelesya Bulowa Bwakwe Mwini. Elyo tu kombela mamanino ayo.

²² Lino tula langa ku Mwami ndyoonya lino mu mupailo katu tana swena ku Ijwi Lyakwe. Nkaambo, nywebo mulizi, Ijwi talikwe bupanduluzi bwa muntu omwe, aboobo Ndi yanda buyo Mukamwini ku Li yubununa; a kuzwa kuli Ndilyo, nywebo mulizi, kutegwa buyo tu konzye—tu konzye kusyoma kuti Uli mukucicita. Aboobo atu kotamike mitwe yesu calino. Alimwi—alimwi cindi twa kotamika mitwe yesu, atu kotamike myoyo yesu ayalo, kukotamika buyo myoyo yesu kuli Leza.

²³ Lino a mitwe yesu a myoyo kiikoteme, sa kuli nkumbizyo mu moyo wako sunumasiku, sicisi ma wa Bwami, mukwesu wangu muzwamasi? Yebo uli mukwendeenda omuno mu Phoenix a masena ambi, kuti twa bungana mu mbungano eyi niini mboto sunumasiku ku Mu komba, sa kuli nkumbizyo eyo njo yanda Leza kuti aizibe? Koi jatilila mu mizeezo yako, a kunyamuna janza lyako, a kwaamba, “Mwami, aabe ndime eno sunumasiku. Ndi—Ndi jisi i—i kubula kwa kupengaana.” Akube kuti Walo... Ndi lizi Ula ibona. Ula itelela. Ula iteelela.

²⁴ Taata wesu Wakujulu, twa swena kuli Nduwe ku lusyomo lino. Tuli mukuli swaanganya tobeni antoomwe, kubikka mipailo yesu mbuli muntu omwe. Ku lusyomo tulazwa awa, ku 11 a Garfield, alimwi tula tanta ku lusyomo, kwiindilila mweezi

a nyenyezi, atala ly a Mukondo Wanyenyezi Uutuba, kuyabuya mukati a kwiindilila zilawo zya nyika eyi, kuyabuya ku Busyu bwa Leza. Elyo awo aa Cipaililo ali Cituuzyo mpo ciledé, a ba Kerabimu a ba Serafimu bali mukuuluka aatala ly a Cipaililo ca Leza, kabaompolola kuti, "Uusalala!" Oh, ino mbusena bwa kwiimina! Pele a Ijwi eli lilembedwe, kwiinda ku Mwana wa Leza, kuti, "Ikuti na twa lomba Taata cili coonse mu Zina Lyakwe, Uyo cipa kuli ndiswe." Elyo ngooyo Uli kkede a zikobela Zyakwe Zyamalowa. I muulo waka bbadelwa, kuti swebo, ba teeleli, inga twa boola kuli Nguwe, mbuli bana balombe a basimbi, twa mana kuzumina Kristo mbuli Mufutuli wesu.

²⁵ Elyo twa komba, Taata Wakujulu, sunumasiku, lutaanzi, ko tujatila milandu yesu, a zyoonse nzo twa kacita a kwaamba, eco catakali kabotu nconzyo ku meso Ako. Elyo, Leza, tu lizi kuti nzintu zitabaliki nzo twa kacita. Kotu fwida luse, Leza, nkambo ta tukanani buyo zintu ezi kuti tu mvugwe, pele tu—tu kanana zintu ezi mu—mu luyandisyo, a mu lulemeko, alimwi mu lusyomo kuti Leza uyo tumvwa a kwiingula mipailo yesu kuli bamwi a lwesu. Uli zyi eco cakali kunze ly a maanza oonse, bukanze a kaambo.

²⁶ Mwami, tandabika mababa Aako mapati aasalala, mbuli mbo kwakabede, sunumasiku. Elyo akube kuti Busyu Bwako bwabulemu bumvugwe loko akati kesu, sunumasiku, kuti tuyoo yoowa. Leza, tu yanda kuziba buyo busena bwesu bwa kwiimina lino. Tuli mukulingula, kulingula tumpangaliko toonse twa maumi esu. Inga kwaba buyo kakutanaba Kukwempwa, kwiitwa kuzwa.

²⁷ Alimwi tu langila oyu muswaangano uboola ku Ramada juunza masiku, elyo tu yanda kulingula maumi esu eni sunumasiku a kubona awo mpo tubulide, kutegwa tube zibelesyo mu janza Lyako, bulongo bwaka bumbwa a kubambwa a Leza wa Julu, kutegwa tu konzye kulangila mu kucitika oku kupati kuboola kucitika, oko nkotu bikki kutali ku kaambo kambi pele ku Bwami a bulemu bwa Leza. Longezya kucita kwesu kukompeme kwa mvwiki, Mwami, kusola kubusya, aakati ka bantu, kumvwisya kwini kwa oora ndyo tupona.

²⁸ Kanana kuli ndiswe sunumasiku, kwiinda mu kubala kwa Ijwi, alimwi akube kuti Yebo ubweze cibalo a—a kuyubununa ciiyo mu nzila eyo Muuya Uusalala mbo unga wayanda kuti tu cizibe. A kulumbaizya koonse kube Kwako. Twa lomba mu Zina ly a Jesu. Ameni.

²⁹ Mbuli bantu banji bayanda kubaanga nkucesya zibalo, a kuyeeya ziindi nzoba yanda kutondeka kaindi kuli ncico. Elyo ziindi zinji, bakutausi, mbuli Mbwe cita, lwangu, tu—tu cesya cibalo ziindizimwi, ku kwaamba kuli ncico. Mukutausi umwi waka cikanana, elyo tu... Muzeezo umwi muniini waka jata mizeezo yesu. Elyo tula yanda kutondeka kusule kuli

ncico, ziindizimwi, ku kwaamba kuti, “Ee, eco... Nda bona cintucimwi kuciindi nikali ku caamba.” Eco cili kabotu.

³⁰ Lino, tu yanda kubala sunumasiку, mu Bbaibbele, kuzwa mu bbuko lya lugwalo lwa ba Filipi, Paulo kalembela ba Filipi, mu cipati 2, 5 kusikaku 8. Tu yanda kubala ceeci ku cibalo, kuciindi nomubala andiswe, na kutupa kuswiilila kwanu kutaabawidwe mbuli mbo tu kakatila ku Li bala.

³¹ Lino, kuciindi nomu jula ku busena mu Lugwalo, Ndi yanda kwaamba kuti caka pegwa kuli ndime, munyoko, coolwe ca kukanana Munsono eyi iboola isikati ku muswaangano wabaiminizi. Bwakali bukanze bwangu bwakuba kokuya lino mvwiki yoonse, a kukkala kubusena bumwi mu bbunga, na kubusena bumwi, kuswiilila a kukkuta a kusanina buntu bwangu bwini aa Ijwi lya Leza, mbuli bakwesu besu mbo bayo lileta, a bumboni bwa basimakwebo. Elyo kulangila ku mubona nyoonse okuya. I muswaangano unooli isikati, aboobo mambungano ayo jalwa, kumasena onse, muya—muya kutambilwa amaanza obilo kuboola. Tula mulangila, oyo a onse muswaangano umbi.

³² Lino mu ba Filipi 2:5, tula bala.

Amulekele muzeezo oyu ube muli ndinywe, oyo awalo wakali muli Kristo Jesu:

Oyo, mukuba mu ciimo ca Leza, takayeyea kuti ncivuumuko kweelana a Leza:

Pele takali pangila mpuwo mwini, nkabela wakali bwezela ciimo ca muzike, alimwi wakabambwa mu cinkozya ca bantu:

Elyo muku janwa mu bupange mbuli muntu, wa kalibombya mwini, a kuba uuswiilila ku lufu, nokuba ku lufu lwa ciingano.

³³ Akube kuti Mwami ayungizye zileleko Zyakwe ku kubala kwa Ijwi Lyakwe. Ndi yanda kubweza, kwa maminiti masyoonto aa ciindi canu, ali ceeco Nce konzya kwiita, na mbuli kwaamba, cibalo citegwa: *Kulizibya*. Kuzibya, kulizibya mu cikozyanyo ca basyakacite ba Bbaibbele! Mu kulizibya mu cikozyanyo ca basyakacite ba Bbaibbele! Elyo sunumasiку, mbuli Mbwe yeeya, mu kulanganya ceeci, ni twamana kuba eyi mviki kwaambaula zya Kuboola Kwakwe, a nzila Mbungano mbo yeelede kulibambila Lwayo.

³⁴ Sunu mbuli Mbwe kkede mu kaanda, Nda jisi cintucimwi mu mizeeza yangu Nce kali kuyanda kukanana sunumasiку, “I Cituuzyo cipati.” Pele, kwaboneka, Muuya Uusalala wakaboneka kubaanga nku nditolola mbali lya nzila ya ceeci, kuya mu mukondo uumbi wa kuyeyea. Boonse bakutausi balizi eco mbocibede, weeledge—weeledge kuyeyea kuti ujisi cintucimwi neco yanda kwaamba, elyo mpawo, cakufwaambaana buyo, ula mvwa

kuti weeleded kwaamba cintucimwi cimbi, ndiza ciimpana. Ndiza nca muntu buyo omwe. Ta ndizi. Pele, Nda komena cikubwene muli Kristo, kuziba kutobela busololi bwa Muuya. Eco Muuya nco waamba kucita, ko cicita.

³⁵ Ndili masimpe sunumasiku kuti tweeleded kulijana abusena bumwi mu syakacite umwi wa Bbaibbele, kutegwa twa ziba micelo ya syakacite oyo akuziba micelo yesu mboiya kuba.

³⁶ Cindiyeezya kaano kaniini Nke kamvwa ciindi cimwi, ka ii—ii mulindu, wakaleta mulombe wakwe muniini kuzwa—kuzwa kuya mu cisi kubusena bumwi, obo mbo bakali kukkala, mu dolopo, ku—ku swaya banyinakulu. Elyo mulombe muniini, kapona kaindi...

³⁷ Mu cibeela cangu ca cisi, mu Kentucky, i *cisi* caamba mu ng'anda ya zisamu kumwi, ijisi kiboodi zya kakaindi ali njiyo. Elyo aboobo ciboniboni cesu, ku muunzi, cakali cibeela ca ciboniboni cakabikkidwe aa cisamu, oko, aanze, aakali bbenci niini ya kuwashila ya kayakwa ku cisamu, kumbali lya ciguju ca maanza, oko bataata nkobakali kunga baguja maanzi a kusanzya maanza abo, a kabeela ka ciboniboni awo. Elyo Nda kabona Baama kabaima okuya a kukamuna masusu abo, nkaambo kwakanyina ciboniboni mu ng'anda.

³⁸ Oyu mulombe muniini kweelede kuti waka komezegwa mu ng'anda ili boobo. Elyo cindi na kaselemuka kuyo swaya banyinakulu, waa kajisi ii—ii mulyango oyo, kumbo kwa nguwo, kwakali ciboniboni. Elyo mulombe muniini wakali kubaanga ujisi bukata. Elyo wakali kulanga ng'anda yoonse. Elyo nikwakainda kaindi kaniini, wa kacitika kulanga kwiinda ku mulyango. Elyo wakali jalidwe, kuzwa ni bakasika. Elyo—elyo mu ciboniboni ku lubazu lwakwe, wa kabona mulombe muniini. Elyo wa katalika kuya ku mulombe muniini, kupanga cilongwe a nguwe. Elyo mbwa katalika kulanga mu gilazi eli, wa kaswena munsi. Elyo wa kanyona, wa kati, “Baa, baama, oyo ndime.”

³⁹ Elyo nce ncico nco tu yanda kulanga sunumasiku. Ndi yanda kuli langa, alimwi Ndi yanda uli lange omwini. Elyo mbuli mbo tu langa mu Ciboniboni cipati ca Leza ica Ijwi Lyakwe, atu swoe...kukonzya kulizibya lwersu a bamwi abo mbo tuyu kanana, bamwi basyakacite ba ziindi zimbi. Elyo Ndi yanda kulibona lwangu mu—mu ciboniboni ca Leza cakulangila. Nkaambo, ikuti na kufumbwa cintu ciyo kutondezya awo mpo wiimvwi, ndi Bbuku *eli*. Taakwe bbuku mbuli Ndilyo, nkaambo Ndyia Bwini lyoonse. Ta ndaambi kuti mabbuku amwi taali aa bwini, pele Ndi—Ndi lizi kuti Eeli ndya bwini. Bwalo Mbwini boonse, nkaambo Ndi Ijwi lya Leza.

⁴⁰ Lino, Jesu waka tupa Mukozyanyo wa ceeco nco tweeleded kuno langa, cindi Na katondezya Buumi Bwakwe kuli ndiswe kwiinda mu Ijwi, eco nco tweeleded kubona. Cindi twa langa

mu ciboniboni ca Leza, twe elede kulibona tobeni kulizibya a Nguwe. Oyo Mukozyanyo uulondokede.

⁴¹ Lino, pele tu jana kuti, mbuli mbo tweenda kwiinda mu buumi, kuti ciimo cesu cibumba cinkozya obo mbo tubede. Umwi aumwi ulizi obo. Yebo, mbuli mbo pona, mbubonya ciimo cako, cikubumba kuba obo mbobede. Lino, wakabona bantu mboyandi kuba antoomwe lyonse, nekubabooobo inga kabatali mbubonya mu—mu kuyanda kwako kwa musela. Elyo, alubo, inga kabali mukowa waandeene, basiya, na basalaluka, na bayelo. Pele kuli cintucimwi kujatikizya ciimo eco, cakuti ula yanda buyo kuba mu busyu bwabo. Nkaambo aumwi muntu ngu—ngu dainamo niini yabo beni, alimwi ula—ula tondezta bube.

⁴² Elyo mpawo wakabona bantu abo bakali bantu balemekwa, pele nekubabooobo lyoonse wakali boteledwe kutantamuka kuli mbabo. Cili buyo bala—ba lenga bube buli boobo kuzunguluka waawo mpobede. Taakwe cintu cibalwana, mbantu babotu, pele tobu yandi bube obo, bali, balo moba...mobabede mukati. Elyo bube bwabo bupanga cili conse mbo babede, bubabamba obo mbo babede.

⁴³ Cindi Leza nakalanga bulenge Bwakwe bwaka sweeka, Na kamana kubupangaaku bubumba mu ciyanza mu nzila njiyonya Nja kali kubuyanda...Elyo Nda—Nda botelwa kubulanga mu kasimpe bwa mbubo. Ndila—Ndila ayanda masena amusokwe, nkaambo, okuya, eyo yeelede kuba nzila Nja buyanda, nape Na taka bubamba munzila eyo. Elyo twa boola koonse a kubusandula, a kupanga cintucimwi kuzwa kuli mbubo eco cita Mu botezyi. Pele, ciimo Cakwe caluyando, cakabumbwa; Leza, mukubona kuti bukanze Bwakwe—kuti bubambe Bwakwe bupati a bulenge bwa mukowa wabantu kuba mu nyika, a kupona mu luumuno, a kutafwa, kutaciswa na kuba akuciswa myoyo na kulibili ka kumwi. Oh, ino ii—in ni nzila Taata nja katubambil! Elyo oko kwakali kuyandisy Kwakwe—oko kwakali kuyandisy Kwakwe, kuli ndiswe kuba mu nzila eyo. Ta ka tuyandila kuti tube mu ciimo cakufwa mbuli mbo tubede. Eci, alimwi i—i ciimo eco inyika moibede sunu, takuli kuyandisy kwa Leza. Ta kakanzila ceeco, pee.

⁴⁴ Pele cindi Na kabona kuti bulenge Bwakwe bwaka—bwakawa, lino ciimo Cakwe cini ciyandikana caka Libumba mu Muntu Kristo. Ciimo ca Leza Mwini ca luyandisy caka litondezya Cini mu Muntu, Kristo. Mboli Paulo kakanana awa, “Mukuyeyya kuti ncivuumuko, pele kulibamba Mwini kweelana, kweelana a Leza, mubwini.” Mwabona? Ciimo Cakwe Mwini cakabumba musyobo oyo wa Muntu. Oh, taakwe muntu waakonzya kusola kucita ceeco cita Leza. Eci caka citwa kutegwa Ka konzya kubbadelela cisubulo ca kuwa kwa bulenge Bwakwe. Mwabona? Wa...

⁴⁵ Kweelede kuba cintucimwi cakuvuna bulenge obu. Alimwi taakwe cakali kucikonzya akubufutula, nkaambo musyobo wacilenga caatala maningi ca bulenge Bwakwe cakali wide, a zintuzyonse kunsi lya ncico zyakawa a ncico, nkaambo cakawa. Kuli cintu comwe luzutu cisyeede, eco cata kawa, nkabela oyo wakali Leza, majulu. Aboobo cintucimwi ca majulu ca keelede kuseluka kunununa bulenge obu, nkaambo kwakanyina cintu awa cakali kukonzya ku cilenga. Elyo luyandisylo lwa Leza mwini ku inyika lwakalenga ciimo cakatondezegwa muli Kristo. Wa kali ciimo ca Leza. Wa kali cinkozya ca Leza cakatondezegwa. Muli Nguwe mwakali Leza, Leza muli Kristo, kaliyubununa Mwini ku inyika. Alimwi kwa kwiina luyandisylo lwaka konzya kuba lupati kwiinda olo luyandisylo, kuti, Muntu uli boobo inga waba obo Mbwa kacita, kutegwa a—anunune eco caka sweeka.

⁴⁶ Eco ceelede kucita, muyeyeo buyo mpoonya awo, weelede kukkala Phoenix a inyika yoonse ku mause, ku bona ciiomo motwa kawida. Elyo cintu... Leza, kalitondezya Mwini, ku kubamba bubambe bwa lununuko, ku—ku kunununa ciimo cesu cakawa.

⁴⁷ Eci caka citwa kutegwa cisubulo cikonzye kubbadelwa, nkaambo i—i cisubulo cakali ca lufu. Elyo umwi kunsi lya kukosolwa kaambo ka lufu taka konzya kubbadelela cisubulo ca umwi utobelka kunsi lya kukosolwa kaambo ka lufu. Aboobo kwa keelede kuba Muntuumwi wakasika oyo waka angulukide kuzwa ku lufu, kutegwa abbadale cisubulo. Elyo taakwe umbi wakali kukonzya kusika cita Leza, nkaambo Wa kali Umwi alikke waka angulukide kuzwa ku cisubulo ca lufu.

⁴⁸ Lino, nkikaako, ciimo Cakwe ca luyando, oh, kuli ndiswe, ci—ci bamba antangalala Johane 3:16. “Nkambo Leza wakayandisyia inyika cakuti Wa kapa Mwana Wakwe simuzyalwa alikke, kuti kufumbwa uusyoma muli Nguwe ataka lobi, pele akabe a Buumi Butamani.” Leza, kalitondezya Mwini, a kuba Muntu, kutegwa Ka konzya kuba ali Nguwe ciwa ca bulenge Bwakwe. Mu majwi amwi, Wa kacinca tente Lyakwe. Wa kali vungulida akati ka bantunsi.

⁴⁹ Elyo muvwanda, Jehova, kalila mu cilido cabanyama, sa inga mwa ciyeeyela? Ce elede kupakamanya myoyo ya basyomi. Alimwi koonse kwakacitwa... Sa inga mwayeeyela, Jehova mukuba mu ii—mu cilido cabanyama, mu ii—mu cimpati ca buloko? Sa inga mwayeeyela eco? Sa inga mwayeeyela, Jehova muniini kasobana mbuli ii—mbuli mulombe? Walo mukozyanyo. Sa inga mwayeeyela, Walo mbuli mukubusyi? Sa inga mwayeeyela, Walo mu cintoolo ca mubezi? Elyo sa inga mwayeeyela, Walo mu kuswiilila kukkwene kuli Leza, kafwa aa ciingano, kuti anunune bulenge Bwakwe bwakawa? Oyo ngo musyobo wa luyandisylo Leza ndwa kajisi.

Elyo Wa kacita kuba booboo, kutegwa afwe, kujatilila lumoola lwa lufu.

⁵⁰ Lino, Nda syoma, masiku masyoonto ainda twa kali kutondezya cintucimwi mu bweende obo, cindi Na kasika. Alimwi Wa katuma basinsimi a bantu balemu, nkabela Wa katuma Musa a basinsimi, nkabela Wa kapa milao. Pele boonse aba tiiba kakonzya kunununa, nkaambo bakacili bantu kensi lya cisubulo ca lufu. Alimwi tiiba kakonzya kubbadelia cisubulo ca lufu, nekubakuti bakali zikunguzyo zitondeka ezyo zyakatondekela kuli Umwi oyo uulondokede wakali kuboola, nkaambo teebea kalondokede. Pele cindi oyu Umwi nakazyalwa, Wa kazyalwa kakutakwe cibi.

⁵¹ Leza, Jehova, wakavunikila nakalindu a kulenga Seelo lya Bulowa, elyo cindi eelyo nilyakazyalwa, wakali Mwana wa Leza. Mu majwi amwi, cakali cikombelo. Bwakali busena bwakukkalila awo Jehova mpa kali kukonzya kupona akati ka bantu Bakwe a kulindezeyla Mwini, obo Mbwa kabede.

⁵² Ino mukozyanyo, obo Leza uusalala mbwa kayubululwa, elyo mpawo kubweza busena bwa mulanda, ku kusanzya matende! Elyo wa kaamba, cuti, "I bayuni bali jisi ziteente, a i—a bamwaaba bali jisi bulyango, pele Nse jisi busena bwa kulazika mutwe Wangu." Mpawo, ino mukozyanyo! Mbobuti buumi bwesu mbo bunga bwatondezya, kuli Bwakwe? Alimwi Wa kabamba mukozyanyo wa ceeco nco tweede kucita, obo mbo tweede kuba. Twe elede ku Mu bona cindi mwa langa mu ciboniboni. Mwabona Kristo, ciboniboni ca Ijwi Lyakwe, obo Mbwa kacita ceeco nkambo ka luyandisyo.

⁵³ Alimwi twa kapa dilama niini busiku bumwi, ya Kristo katanta Gologota, a nzila ndyato zya matende, zya Bulowa Bwakwe mbo buselemukila kusule Lyakwe, oko Nkwa kakwibbaulwa, a kusubulwa, a kucuzaulwa. Elyo zyoonse ezi, nkambo ka ndinywe. Ta kajisi cibi. Ta kajisi cibi, pele Wa kabambwa kuba cibi kwiinda kukuba cipaizyo ca zibi.

⁵⁴ Elyo lino Leza wakacita ku—ku kuliyubununa Mwini mu bube Bwakwe, mu Muntu oyu uutegwa Kristo, kutegwa abweze lufu ali Lwakwe. Mbuli Jehova, Ta kakonzya kufwa, aboobo Wa kacita kulilenga Mwini kuba mubili. Alimwi taakwe mwanakazi ukonzya kuzyala mubili oyo. Aboobo ciimo Cakwe Mwini... Amen. Mundi jatile. Cindi Nda ciyeeya! Ciimo Cakwe cakatondezya Muntu mubotu Jesu Kristo. Taakwe mwanakazi wakali kukonzya kucizyala. Banyina ba Musa, walo, Jokibedi, waa kali mwanakazi mulemu, alimwi mbubonya Rebekah abamwi banji banakazi, pele taakwe wabo wakali kukonzya kuzyala musyobo oyu wa ciimo, nkaambo caka boola kwiinda mu nkewela ku bantu bakawa. Pele Leza wakaleta mubili Wakwe Mwini, busena Bwakwe bwakukkalila. Ako nkekaambo Wa kali Mwana wa Leza, nkaambo taakwe cimbi cakali kukonzya

kucitondezya. Pele ciimo Cakwe cini ca Buleza caka tondezya cikombelo eci, kulinondezya Mwini mukati.

⁵⁵ Elyo, nekubaboo, Wa kaligusya Mwini kuzwa ku cintu cipati obo Mbwa kabede. Elyo ku kuzyalwa Kwakwe, Na kakonzya kuboola a kusalyuuta kuzwide kwa Baangelo. Na kakonzya kuboola a nkalaki a Baangelo baku Julu, pele Wa kaboola kwiinda kunzila ya butala. Olo nduyandisyo Lwakwe—Lwakwe, kulileta aansi Mwini kuba waansi maningi.

⁵⁶ Lino, lingaule ciimo eco aniini elyo mpawo lilange omwini, nkabela Nda lilanga lwangu. Pele, obo Mbwa kabede, obo Mbwa kabede, alimwi nke kaambo Mbwa kabede, ku kufutula nduwe. Wa kabweza... Wa kaba nduwe, kutegwa ube Nguwe. Wa kabweza mukuli wako wa cibi.

⁵⁷ Aboobo, cindi twa boola ku Mu swaana, tatu keeeli kwiimikila... Ta tukonzyi kwiimikila mu Busyu bwa Leza. Kwiina nzila kuli ndiswe ya kucicita. Pele cindi twaima muli Nguwe, mwabona, Wa kacizumina kale Cituuzyo. "Oyu ngo Mwana Wangu uuyandwa muli Nguwe Mwe nkondelwa." Wa ka cizumina. Kwakanyina kampenda ali Nguwe. Elyo, nekubaboo, Wa kapenga masunko mbuli muntu uuli oonse. Nekubaboo, Wa kasabulwa. Wa ka fubaazigwa. Wa kapenzegwa, kuzwa ku oora Na kazyalwa kusikila ku oora Na kafwa, elyo nekubaboo Wa kapilusya bubotu ku bubi.

⁵⁸ To konzyi, taakwe nzila, kusola kuleta Ciimo mbuli ceeco; biyo, kuzumina Ciimo eco muli nduwe. Ii mbungano taikonzyi kucita ceeco. Ii kayanza kabuzumini taka konzyi kucita ceeco. Ii kabungwe taka konzyi kucita ceeco. Ii lwiiyo talu konzyi kucita ceeco. Kweelede kuba Kuzyalwa. Ci leeledé kuba i—i kufwa do, a kulekela Leza mukati, kwiinda ku luzyalo lwa Kristo, kubumba musyobo oyu wa ciimo muli nduwe, kuti mube Nguwe, a buumi bwanu a Bwakwe bube bomwe, mpawo muli bana balombe abasimbi iba Leza.

⁵⁹ Mpawo, cindi Na kali kutanta mulundu, nkabela ciingano Cakwe cakali kuya bukwelwa kupanga ndyato zya matende, oh, Ndi lombozya kuti ni Nda kali muna arti, Ndi lombozya kuti ni Nda kali obo, konzya kukanana kutegwa inga Nda mupertela cifwanikiso ca Kalivari, ca oora lyakali liyoosya kapati lya kasolwa kuzibwa ku inyika, elyo nekubaboo, tiiba kazyi eco cakali kucitika, mamilioni taka kaziba.

⁶⁰ Elyo sa inga Nda nyonena ku cifoto eco kuli ceeco Nce amba mvwiki ino? Tuya bunjila alubo oora liyoosya loko, ciindi cibyaabi. Alimwi Phoenix a iyika zila mukubbila, a mambungano alimu kulibbiza, mu zilengwa zyanyika, amu mweebwa wa Hollywood, umwi kusola kwinda umbi. A mamembala esu aya buba aanyika. Ci boneka kuti taba jati cifwanikiso pe, a kusinizya, a ciyubunuzyo, ca kulibonya kwa Mwana wa Leza mu mazuba aya akumamanino.

⁶¹ Ino cakali ciindi cibyaabi! Ba kazi buyo kuti kwakali similandu, kunsi lya cisubulo calufu, wakali kuyoofwa cifumo eco. Nku koonse kwakaliko kuli mbabo.

⁶² Nku koonse Mbo ubede sunu, ku bantu, cindi bamvwa Mulumbe. "Muntu umbi wamusokwe; mubumbulusi umbi uusalala; na simizeeo iimwi yabukomb." Elyo Ta ndaambi kuti kwina nkamu zya bukombi zya mizeeo imbi. Pele sena mwakalizi buyo kuti...Ba kabaita kuti, "Zigambyo." Ee, amuswiilile. Kufumbwa muntu oyo uupona cakululeme ncigambyo, ku nyika eyi ya sunu. Toonse tuli zigambyo, mbuli mbo tu kanana. Elyo mundijatile ku bwaambe bwanyika, pele nje nzila ilikke Nje zyi kuti muyo jana eco Nce kanana; mwabona, muntu buyo, uugambya musalesale.

Jesu wakali musyobo oyo wa Muntu.

⁶³ I basinsimi bakali musyobo oyo wa bantu, abo bakanjila mu bukkalo cindi zintuzyonse nizyakali kwaanguluka mamanino. Elyo basinsimi bakaboola a kujata ezyo zyakasyaade kupandululwa, a kuzijosya a kuzibambilula mu busyu bwa bantu, a ku baambila, "I Leza nguonya ngo mutaminina kubelekela uyo munyonyoona, nkaambo mwa kazwa ku mabambe Akwe. Ako nke kazila kalikke Nka konzya kukufutuda." Elyo lyoonse balo nzilagambya.

⁶⁴ Alimwi, sunu, cindi twa mvwa Mulumbe wa Leza kauyutuka, tu yeeya kuti Nguumwi mumpelenge, wa mizeeo yeeze, na cintucimwi. Elyo okuya, kuli kunji kwa ncico mu inyika: mancengjela, bantu basikupanga mali, batabikkili maanu, kunsi lya bube a—a kukanana mbuli kuti wakali Mwami. I Mwami lyoonse ulalizibya Mwini ncobeni. Mwabona? Elyo amubone.

⁶⁵ Pele, muli ceeco, sena mwakalizi zintu ezyo zyoonse kuti zyeede kusika? Nincobeni. I—i duba lyeede kutunga a maamvwa aalyo. I ciyandisi mu ii—mu nseke yeede kuvumbwa kubelesya cikwa. Weede kufokola cikwa kuyaansi kukujana ciyandisi. Tula kakilwa kubona zintu ezyo. I ngale, i—i—i zibulo a ngale, a mali, nsiliva a ngolide mu malundu aya, zi vumbidwe vuu, zizwide piraiti a lubulo lumbi lweenda antoomwe anjiyo. Tula langila eco. We elede ku cisya. Cindi sikuyandaula zyabuvubi aziba eco ncaita kuti "suko ligwasya," lyalo ndisuko, pele lili... Bala libona. Lila iminina, omuya, kuli cimvule ca cinyina ca lubulo ku busenabumwi.

⁶⁶ Elyo cindi twa bona bantu aba sunu bajatikizya kuba Banakristo, a kupona buyo nzila ili yoonse, ino ncinzi? Lyalo ndivuu ligwasya. Kuli ciyina ca lubulo ku busenabumwi. Cindi twa bona muntuumwi kalilemeka mbuli kuti ujis Muuya Uusalala, kakuli taba jisi, a kupona buumi bwandeene, ncitondezyo biyo kuti kuli cinyina ciyandisi ca lubulo lwa Muuya

Uusalala cikonzya kutilwa, eco cikonzya kupa zintu ezyo Nzya kasyomezya. Twe elede kubikkila maningi maanu a kubatama.

⁶⁷ Jesu, mu lweendo Lwakwe kaya butanta. I dyabulosi lyoonse waka zumbauzya Oyo kutaciba limbi kwiindilila kuba musinsimi. Ta kali kusyoma kuti Wa kali Emanuele. Leza waka yubulula mu Mwana Wakwe Mwini, Walo a Mwana Wakwe mukuba Omwe, baa, ta kakonzya kubona ceeco. Mbobuti Leza mbwa konzya, Mulengi mupati, kusola kwiima a kulekela muntuumwi ku Mwaambila, “Ee, ikuti na uli Mwana wa Leza, kolailila mabwe aya kusanduke kuba cinkwa”?

⁶⁸ Elyo mbobuti Mbwa kakonzya, mu bbuwa lya Pilato, cindi i... Mundijatile bwaambe; pele cindi tukwa ni twakali ansi, mbuli mbo tunga twa ciita. Elyo ngooyo Wa kajisi kalembo ku meso Aakwe, alimwi—alimwi basilumamba bana Roma kaba swida ku meso Aakwe, a kugwinya cilezu, nkabela Bulowa kabukunka moonse. Elyo a musyini wa maamvwa aa mutwe Wakwe. Elyo wakaumidwe kale, nkabela Bulowa Bwakwe kabweenda ku mabazu Aakwe. Elyo Saatani kalangilila eco. Elyo mpawo kubikka kalembo ku meso Aakwe, nkabela basilumamba baka Mu uma aa mutwe kubelesya kasamu, mpawo kukatambikizya kuli umwi aumwi, kati, “Lino, ikuti na ula konzya kubona ezi zilengaano, ikuti na uli musinsimi, lino, ko—ko twaambila oyo wa kuma.” Elyo Ta kajula mulomo Wakwe. Aboobo ba kayeeya kuti...

⁶⁹ Saatani wakati, “Oyo, oyo takonzyi kuba Mwana wa Leza. Ta konzyi buyo kuba. Ta kakonzya kuzuminana aceeco.” Pele bana ba Leza bala zuminana a cintu cili coonse kufumbwa kuti kabazi kuti bali mukucita luyando lwa Leza. Elyo nce ncico Nca kaboolela kucita. Kukazigwa!

⁷⁰ Lino, a Mulumbe wesu, sa inga twaima munsi lya ciboniboni ca Ijwi lya Leza a kubona Kristo katondezegwa mu maumi esu eni mpawo? Sa inga twa bweza zili boobo, a sampa lya Mulumbe oyo ngo twiiminina awa? Umwi inga waamba cintucimwi kujatikizya Nguwo, elyo nekubaboobo tojuli mulomo wako a kutaamba cintu kujatikizya nkuko. Wa kali mukozyanyo, nkaambo Leza wakali kutondezya ciimo Cakwe muli Nguwe. Elyo mpawo ikuti na tuli bana balombe abasimbi iba Leza, Leza ulatondezya ciimo Cakwe muli ndiswe, mpawo tuba mbuli Nguwe. Oko nko kuyanda kwa moyo wangu. Ndi yeeya kuti oko nko kuyanda kwa musyomi oonse, nkuba loko mbuli Nguwe.

⁷¹ Elyo mpawo mu lweendo katanta cilundu, cindi Saatani na kati, “Ncibotu, lufu, lino ulizi kuti Ndi kujisi mu kulailila kwangu. Elyo ngooyo Mbwa bede. Kumalekelo twa Mu citya kudekela. Waba ku busena oko Nkwa—Nkwa boola ku mamanino aa kukonzya Kwakwe. Ta zyi cakucita limbi. Wa ba sampa akati ka bantu. Mulumbe wakwe wakawida mu luwo. Elyo lino mfulumende ya Mu jata, nkabela Wa zundwa. Tali Leza.

Koselemukila okuya a kubbizya lumoola muli Nguwe. Ko Mu gusya kuzwa mu buumi."

⁷² Elyo mu lweendo katanta cilundu, mbuli nzuki mboya katalika kunzwiima kuzunguluka Nguwe. Pele nke kaambo Wa keelede kuba kwiindilila kuba muntu. Ikuti na Wa kali muntu, na musinsimi buyo, na kufumbwa cintu cisyoonto kwiinda Leza, ikuti Na kali booboo, lufu nilwaka Mu luma nkabela Na kalala mu cuumbwe.

⁷³ Pele nzuki ya lufu ili mbuli kauka kali koonse a lumoola. Ikuti na yasola kubbizya lumoola lwayo kusakana, mazuba ayo akulumama amana. Ila somona lumoola lwayo.

⁷⁴ Ee, kufumbwa kuti mubili wabantu wakali mu i—i ciimo ca cibi, kuzyalwa nkewela kunsi lya lutuko, mpawo cindi lufu lwa luma oyo mubili, silumoola waka konzya kujoka a kulumalumbi.

⁷⁵ Pele cindi nakaluma mubili *oyo*, waka somona lumoola lwakwe. Ta cijisi lumoola lumbi. Wa kali Leza mu mubili wabantu, kakkala akati ka bantu. Mazuba akwe alufu aka mana. Nke kaambo Leza wakacita kulinondezya Mwini mu mubili, uuli ngu, tu lizi mbuli Mwana wa Leza, Jesu Kristo. Alimwi Wa kacita ceeco kutegwa Ka konzya kugusya cisubulo.

⁷⁶ Nkaambo, nywebo mwabona lino, tuya ku cibeela cimbi ca Lugwalo. Pele nywebo mwabona lino kaambo oyo Muntu ncaakali kwiindilila ku mwiiyi buyo, mbuli bantu mbo baamba kuti Mbwa bede sunu, silwiyo wa mbali zya zyabulenge, na Muntu mubotu, na musinsimi. Wa kali Emanuele. Wa kali Mwana wa Leza, uuli ngu Jehova Leza waka yubululwa mu bube Bwakwe bwakulondezya Mwini mu mubili oyo Ngwa kayaka, Mwini. Amen. Wa katondezya. Elyo bupange bwa zibi ibwa muntu tii bwakali kukonzya kucita cintu eco Nca kacita. Mwabona? Aboobo wa keelede kuba Leza kabamba Cakwe... . kulinondezya Mwini mu Muntu, kupanga ciboniboni, kutegwa tu bone oyo Muntu uulondokede, uuli ngu Kristo. Iiyi.

⁷⁷ Eci, kucita ceeco, katondezya bube Bwakwe, buyandisi bwa luyando. Mwabona, muli Nguwe mwakali bube mbuli Mufutuli, nkabela bwakali kulitondezya bwini. Elyo Ta kakonzya kuba Mufutuli a kuba muntu wakazyalwa kunyama. Wa kacita kuba kwiindilila kuba muntu. Kwalo Mbwa kabede. Wa kali Oyo alikene wakakonzya kucita ceeci, cakuti Wa kanyina cibi ku bulenge.

⁷⁸ Wa kali Leza mu Ijwi. Lino, Musalali Johane, cipati 1, cila cipandulula eco. "Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mubili wabantu." Leza wakaba mu mubili wabantu cindi Na kaiminina, na cindi Na kulinondezya Mwini ku nyika, mu ciimo ca Mwana Wakwe, Muntu Jesu, Mwana wa Leza. Leza wakalitondezya Mwini mu Muntu oyo.

⁷⁹ Sa Jesu takaamba kuti, “Taata Wangu a Ndime Bomwe. Taata Wangu ukkala muli Ndime. Nseli Ndime uucita milimo. Ngu Taata Wangu. Walo ukkala muli Ndime. Nse jisi bweendelezi Bwangu pe. Ngu cita eco.” Kasensa ka Leza ika Ijwi, katondezegwa! Ameni. Nda mvwa pentekoste. Iiyi.

⁸⁰ Ta kali cibi ku bulenge, alimwi eco nce cintu cilikke cakali kukonzya kutondezya oyo Leza uitakwe cibi, Ijwi, Ijwi mukuba Leza. Alimwi ijwi muzeeso watondezegwa. Kwao cindi Leza nakayeeya kuba muzyali, Wa katondezya tuyeyeo Wakwe, alimwi—alimwi Kristo wakali kutondezegwa kwa Leza. Ameni. Mwa cibona? Wa kali kutondezegwa kwa Leza, kuti Leza kakonzya kuba ndiswe a kupona mbuli mbo tupona, nekubabooobo kutondezya cakulondoka obo muntu uulondokede mbwaelede kuba, cakulondoka. Wa kali Ijwi lya Leza lyaka tondezegwa a kusimpikizigwa kabotu, kalizibya. Cindi Na kaimikila awa aa nyika, Wa kati, “Ikuti na Nse citi milimo ya Taata Wangu, nkokuti muta Ndi syomi.”

Elyo Wa kati, “Nguni umwi wanu ukonzya ku Ndi tamikizya cibi?”

⁸¹ Ndi yanda kujula eco aniini buyo kuli ndinywe, ikuti na cilazuminika. Nywebo mwabona, *cibi* calo “nkutasyoma.” Kuli buyo zintu zyobile, maindilo mo konzya kuponera. Imwi yayo ndusyomo, alimwi imwi imbi nkutasyoma. “Oyo uutasyomi wapegwale kale mulandu.” Kufweba, kunywa, kucita mamambi, kubeja, kubba, kulikozyanisa kwakunyama, ezyo zintu mbube bwa kutasyoma. Ikuti na wakali musyomi, notacita zintu ezyo. Pepee. Ula cita ezyo nkaambo toli musyomi.

Oh, yebo—yebo wati, yebo wati, “Oh, pele Ndili musyomi.”

⁸² “Pele kwiinda ku micelo yabo muvo baziba.” Mwabona? Micito yako—yako ilaamba maningi kwiinda kulyaambilila kwako mbo kutondezya. Mwabona? Cindi waunduluzya Ijwi lya Leza, a ku Li bala mbuli cintucimwi cakainda, na kubweza bbuku limwi mu lugwasyo Lwalyo, a kwaamba, “Eci ncibotu buyo mbuli Ceeco,” ciinka kutondezya kuti toli musyomi. Mbo mbubo. Toli—tolu obo. Elyo ikuti na wakali boobo, nkokuti nokali syoma Ijwi lya Leza. Inga nokacita . . . Inga walitondezya Mwini kwiinda mu Ijwi Lyakwe.

⁸³ Lino, Wa kali Ijwi lya Leza lyaka tondezegwa. Alimwi Wa kati, “Lino, ikuti na tamu konzyi ku Ndi syoma,” kati, “amusyome milimo eyo Nje cita. Amulingule Magwalo, nkambo muli Ngawo tuyeyea kuti mujisi Buumi Butamani. Alimwi nce cintu nciconya eco caamba kuti Ndimeni Mebo.” Oh! Nda libuzya ikuti na . . . ? . . . “Mwabona, Oyo ngo Nguwe waamba kuti Ndimeni Mebo. I Magwalo aamba kuti Ndimeni Mebo.”

⁸⁴ Elyo andi bweze ceeco ambele aminni, sa mula cita? I Magwalo nga lungulula obo mbobede. Aku tondezya aku nditondezya. I Magwalo alaamba obo mbo tubede. Ala mvwika maningi cakuti

mawi esu taakonzyi kumvugwa akwalo. Buumi bwesu bula kanana kapati kwiinda mawi eesu, mwabona, alimwi ni nzila ya Leza yaku tulekela kubona obo mbo tubede.

⁸⁵ Jesu wakaamba cintu nciconya. “Nge Ngawo a Ndi lungulula. Ala tondezya obo Mbwe bede. Elyo nguni umwi wanu ukonzya ku Ndipa mulandu wa kutasyoma, cibi? Ikuti na Nse jisi kabotu...” Amuswillile, Nda ambaula kujatikizya kulilanga omwini. “Ikuti na Nse lizibya kabotu Lwangu mbuli kuba eco Ijwi ncolya kaamba kuti Ndi yooba!”

⁸⁶ Ndalibuzya ikuti na swebo to Banakristo inga twa yeeya ceeco sunumasiku. Ndalibuzya ikuti na inga twa langa mu ciboniboni ca Leza, ca zyeelelo zya Munakristo, a kulizibya lwesu munzila eyo. Nda libuzya ikuti na tula konzya. Nda libuzya ikuti na inga twa lizibya tobeni sunumasiku a Johane 3:16, alimwi, oh, yoonse misyobo imbi ya Magwalo; Marko cipati 16, a masena aya oonse ambi, kuti, alimwi omuya mu—mu Bagalatiya, Nda syoma, a—a masena aindene, Batesalonika Babili, kuli micelo ya Muuya, azimwi zimbi. Ndalibuzya ikuti na tula konzya kulizibya lwesu.

⁸⁷ Jesu wakati, “Nguni umwi wanu ukonzya ku Ndi tamikizya, kuti Nse kakutauka a kucita mbubonya eco Magwalo nca kaamba kuti Njo cita.” Taakwe muntu wakali kukonzya kwaambla bbala, nkaambo Wa kalizibya ncobeni Mwini.

⁸⁸ Elyo balo, mbuli mbo bacita lyoonse, sikuli-cengeezya waka Mu ziba mbuli Bezebule, muuya mubi. Cindi Na kalizibya Mwini mu kutweluka kwa muuya, kuti Wa kali Mesiya, mpawo ba kati, “Oyo muuya mubi muli Nguwe, kucita zintu ezi.” Aboobo, nyewebo mwabona, Wa kasimpikizigwa kabotu. Kwakanyina bulubizi.

⁸⁹ I mwanakazi muniini ku mukalo tako—taka bamba bulubizi buli boonse. Waa kati, “Munene, tu lizi, cindi Mesiya aboola, Uyo cita zintu ezi, pele Ino Nduwe ni?” Waa . . .

Wa kati, “Nde Ndime.”

⁹⁰ Elyo Muntu wakali kukonzya kucita cintu mbuli ceeco wa kaamba ncobeni Bwini. I Bwini bwa Leza bwakali a Nguwe. Alimwi baka tumwa, ikuti na musinsimi wakabuka a—a kucita, kaamba cintucimwi, elyo eco nca kaamba cakacitika, wa kalizibya mbuli musinsimi. Elyo waa ka Mu ziba mbuli musinsimi, a kubuzya kuti Wa Kalini. Elyo Wa kamwaambila, mpawo eco caka cibamba. Waa kazuzila mu muunzi a kuti, “Amuboole, mubone Muntu Oyo wandaambila zintu.” Kwakanyina bulubizi kujatikizya neico.

Filipo tako lubizya.

⁹¹ Nekubakuti, cindi, Nataniyeli, mubwini, cindi Filipo nakasola ku mwaambila eco cakacitika cindi Na kaswaana

Simooni, pele, cindi Nataniyeli nakasika, wa kali mu kuzumbauzya kuniini.

⁹² Pele cindi na kabona Jesu, nkabela Jesu wakati kuli nguwe, “Amubone mu Israyeli, oyo utakwe luuni.”

Wa kati, “Rabi, ndelili Ni waka ndiziba?”

⁹³ Wa kati, “Katana kwiita Filipo, Nda kubona.” Kwakanyina—kwakanyina nzila ikonzeka ya bulubizi.

⁹⁴ Wa kati, “Rabi, Uli Mwana wa Leza. Uli Mwaami wa Israyeli.”

⁹⁵ Jesu wakati, “Nkaambo Nda kwaambila eco, ula syoma. Inga wabona cipati kwiinda eco eno.”

⁹⁶ Bulenge Bwakwe bwata kajisi cibi bwa katondezya Ijwi lya Leza. Mwabona? Wa kali Ijwi, aboobo Leza wakali tondezya Mwini kwiinda ku bulenge obo bwaa kajisi cibi.

⁹⁷ Akube kuti Ndi ime awa kwa kavwalu buyo. Ta ndiyandi kumujata kwa ciindi cilamfu, pele ciboneka buyo kabotu loko, kuli ndime, kwaambaula ku bantu.

⁹⁸ Amubone, mwabona, bulenge Bwakwe bwata kajisi cibi bwa katondezya obo Mbwa kabede. Walo, mpawo, ikuti na bulenge Bwakwe bwata kajisi cibi, Leza wakali tondezya Mwini kwiinda mu bulenge obo bwata kajisi cibi, citondezya kuti bupange bwesu mbubi. Alimwi takukwe makani mbo tusola ku bugambika, na kunji mbo tusola kuciyiisya maningi kubelesya zintu zimbi, bweelede kubula cibi mbuli Bwakwe mbo bwakabede, elyo mpawo Ijwi lya Leza inga lya kunka kwiinda muli ndilyo.

⁹⁹ Eco ta caambi bulondosi muli lwako. To konzyi kuba booboo. Pele, nywebo mwabona, abalo bantu besu bali mukuzwa ku kukutauka kwa busalali. Twa katalika kulosezya ansi micinjili minji loko. Mwabona? Twe elede kuboola ku busena obo bwa kuli taminina kwesu. Walo mukozyanyo wesu, alimwi Walo ngo Sikuyumuna zibi zyesu. Elyo mpawo ikuti na twa amba kuti Ngu sikubamba wesu wa Luumuno, Walo Mulungo wesu, mpawo ikuti na twa lyaamba booboo, nkokuti eco ceelede ku Mu tondezya kujoka muli ndiswe. Elyo tuli lugwalo lulembedwe, ciboniboni, cakuti bantu bakonzya kubona Kristo muli ndiswe. Elyo lino, ikuti na taba citi, nkokuti tu—tu—tu langa ku cintucimwi cimbi, nkuti ta tulangi kuli Nguwe. “Amulange kuli Nguwe, nyoonse no mamanino aa nyika, a kupona.” I nzila buyo njo mukonzya.

¹⁰⁰ Bupange bwakwe... bwata kajisi cibi bwa katondezya Ijwi lya Leza, kunji loko, kuti Walo a Ijwi bakali Bomwe. Wa kaamba booboo. “Mebo a Taata Wangu tuli Bomwe. Nda cita lyoonse eco cibotezya. Mebo a Taata Wangu tuli Bomwe buyo.” Wa kali londokede loko mu cinkozya ca Leza kusikila Walo a Leza bakali cintu nciconya cakatondezegwa. Wa kali mubili, Mwana, oyo wakatondezya Buleza bwa Leza. Aboobo eco caka Mu bamba

kuba buleza mu Muntu, kutegwa anunune muntu. Mwabona? Walo a Ijwi bakali Bomwe. "Ku matalikilo kwakali Ijwi, nkabela Ijwi wakali Leza. Elyo Ijwi lyakaba mu mubili wabantu." Aboobo, Walo a Ijwi bakaba Bomwe, kuti Ijwi kali konzya kutondezya a kukonzya kuyubulula ku inyika oyo Mukozyanyo wa muntu mbwaelede kuba.

¹⁰¹ Alimwi muntu takonzyi kuba eco muli lwakwe. Kwiina nzila yaku ciyiisya kuli ncico. Kwiina nzila yaku cisangana. Kwiina nzila yaku ci batapatzya. Kwiina nzila ya kucita cintu kuli ncico, cijaya buyo.

¹⁰² A ci zyalululwa, nkabela Bulenge bupya bula njila. Eyo nje nzila ilikke, kujaya bulenge bwako, kutegwa mube... Elyo mpawo Ijwi lyaba cintu cipona, Lila litondezya buyo Lini kwiinda muli nduwe. Wabona? Mpawo ulalanga mu ciboniboni, cindi bantu bakubona mbuli ciboniboni. Nkaambo, nywebo mulizi, Leza wakabamba nzila. Bantu taba bali Bbaibbele, aboobo Leza waka kubamba Bbaibbele. Mbo bede. Eco nco cita, bantu bala kulanga.

¹⁰³ Leza wakatuma ziboniboni Zyakwe, kutondezegwa Kwakwe—Kwakwe—Kwakwe kwa katondezegwa Mwini mu basinsimi, nkaambo Ijwi lya kaboola ku basinsimi. Elyo baka tondezya Leza omuya, nekuba, cisinsime cabeco Leza nca kapaba.

¹⁰⁴ Elyo lino Leza ula litondezya Mwini kwiinda mu Mwana Wakwe, Kristo Jesu, mbuli Mbwa tutola mukati mbuli bana bakatambula bwana, a kubikka Muuya Wakwe muli ndiswe, kaompolola, "Abba, Taata." Mwabona? Na, mu majwi amwi, "Leza Wangu, Leza wangu!" Mwabona? Mpawo Muuya Uusalala muli ndiswe, Muuya wa Kristo kautondezya Jesu Kristo, nkabela bantu bala kulanga. Mwabona?

¹⁰⁵ Elyo cindi babona kuupaupa a zintu zyoonse, ta cigambyi, twa sweekelwa Nguzu zyesu. I munyo wasweekelwa kulweela.

¹⁰⁶ Oh, taakwe bulenge bumbi bwakali kukonzya kucita ceeći. Peepe. Nkaambo, Wa kali ciimo cakabumbwa cilondokede ica Leza.

¹⁰⁷ Nkambo, cakali ciimo cakawa eco bulenge boonse nco bwaka jisi. Bantu boonse baka jisi ciimo cakawa. Akwalo zintuzyonse zyakali kunsi lya muntu zyakawa. Zintuzyonse zijiisi ciimo cakufwa.

¹⁰⁸ Elyo Wa kajisi ciimo cipona, aboobo Wa kacitondezya muli Kristo, nkabela Wa kabbadela muulo. Elyo mpawo nkaambo ka kuswiilila Kwakwe, Wa ka Mu busya aa buzuba bwatatu. Mwabona?

¹⁰⁹ Elyo mpawo Ula tupa, eco citupa i—i cizibyo, ci tupa kaanzambwene, kuti, kufumbwa kuti katuli muli Nguwe, twa kabuka kale a Nguwe. Ta tukabuki a Kristo; twa kabusigwa

kale a Kristo. Mbo mbubo. Tuli muli Kristo lino. Elyo ikuti na Kristo wabuka kuzwa ku bafu, sa tii twa kabuka kuzwa ku bafu a Nguwe? Ameni. “Lino tuli kkede antoomwe mu masena Aakujulu muli Nguwe.” Oh, ma! Eco ceelede ku kubamba ba Presbyteria koongolola. Uh-huh. Inzya. Cilimasimpe. Zikozyano zyakatondezya izya Leza, zyaka bumbwa mbuli bupange bwa Kristo, cakuti inyika inga ya Mu bona muli ndinywe. Eco nciboni caku langila.

¹¹⁰ Taakwe bulenge bumbi bwakali kukonzya kucicita; bwa kali wide. Elyo Leza wakazibya, amulange, Leza wakalizibya Mwini mbuli Muntu, a ku Mu tola ciwa ca cibi. Lino, ee, kutali cibi, pele ciwa ca cibi, kutegwa A bweze cibi ca sizibi, mwabona, a kubbadel a cisubulo kuli ncico, a kujosya sizibi Buumi obo mbwa kajisi kakutanaba kuwa. Oh, ma! Ino nduyandisyo Leza ndwa tutondezya! Mwabona? Amu ciyeeye.

¹¹¹ Elyo lino amuyeeye, Jesu nakamana kucita ceeci, cindi taakwe muntu umbi wakali kukonzya kucicita, twa katambwa. Lino, mbungano, amuyeeye eci aniini buyo. Twa tambwa kupanga ciimo cesu cini kuli Nguwe, ku luzyalo Lwakwe. Twa tambwa, amu ciyeeye, kuba basyakacite mbuli Bakwe. Ikuti na tuli libambilide kubikka ciimo cesu, a kubumbwa oko nko twa kajisi, “Basikainya, basikulisumpula, basikuyanda misaaloo kwiinda basikuyanda Leza, basikulen gelezya twaambo, a batakkutili, basampaula abo basola kucita ciluleme, bala ciwa ca bukombi a kukaka nguzu zya Ijwi.” Mbobuti Leza mbwa konzya kunjila mu busena mbuli boobo, kakuli bala kaka Ijwi? Cindi, Ula mamela Ijwi Lyakwe, ku Li simpikizya, ku Li bamba kucitika. Elyo Ijwi ly a tontelwa anze, mbobuti Mbwa konzya kulizibya Mwini a cintucimwi mbuli ceeco?

¹¹² Twe elede kubweza Makanimabotu, azwide oonse. Twe elede. Elyo lino, mukuba cuti twa lizibya tobeni mbuli bantu bazwide Makanimabotu, atu bumbe ciimo cesu. Twa tambwa kubumbwa mu cinkozya Cakwe, kutegwa tutondezye Busyu Bwakwe. “Elyo milimo Nje cita, moyo icita anywebo. I Buumi obo Mbwe pona, anywebo moyo cita.” Twa tambwa, a Leza, ku Mu bweza mbuli Mukozyanyo, a kulekela bube bwesu kubumbwa mbuli Bwakwe. Ino ncintu! Ma!

¹¹³ Mpawo, cindi twa lekela ciimo Cakwe bube muli ndiswe, mpawo tuba bana, kwiinda kukuba a mizeezo ya Kristo, mizeezo, cili nciimo Cakwe. Mizeezo yako ipanga ciimo cako. “Amulekele muzeezo,” Paulo wakati, “wa Kristo, oyu muzeezo wakali muli Kristo, ube muli ndinywe.” Amulekele muzeezo oyo wa Kristo ube muli ndinywe. Ci bamba ciimo ca mwana wa Leza. Lino, obo...

¹¹⁴ Amuswiilile buyo aniini. Mbobuti mbo tukonzya kuba a mizeezo ya Kristo oyo wakali muli Nguwe, elyo mpawo kukaka zintu ezyo Nzya katutuma kucita? Mbobuti mbo tukonzya

kubikka maleele kaindi, kakuli nguonya Kristo Mwini wakali Leza, a Leza muli ndinywe. Mu Busyu bwa Leza, lyoonse kuli maleele. Wa kat, “Ko Ndi ita kuti ‘Mwami.’ Nkaambonzi nco Ndi ita kuti ‘Mwami,’ a kuta cita zintu ezyo nze Nda ka kulailila kucita, Nda kalala nkambo ka nduwe kuti ucite?” Sena tamu boni oko nko twa kasika, oko mbungano nkoi dulikila? Elyo Nda cijana coonse akati ka ba Pentekoste besu, abalo. Tuya bussakana kule kuzwa ku Ntambo eyo ya Buumi. Twe elede kujokela kuli ceeco, mweenzuma, jokela, nkaambo tuya buba mupati lino.

¹¹⁵ Nda bona awo kulemba kwa buleya bwa Bantu Basimakwebo kuti mbupati maningi, mbuli kunji ndiza mbuli obo Oral Roberts mbwa jisi. Elyo Ndi jana kuti cindi twa talika kukomena, mpawo tuyu lilemeka kuba batapi, mwabona, mbuli buyo Israyeli mboya kacita. Elyo tula unka kulilemeka mbuli kuti twe endelane buyo a i—i bamwi babo. Amuyeeye, “Muli bantu bandeene. Muli cisi cisalala, bupaizi bwabwami, bantu basalesale.” Baa, tobana Pentekoste twakba obo cakuti tatu cijisi busalesale bwinda inyika yoonse. Tu sama buyo, kulilemeka, kwaambaula, kuunka kucita zintu nzo bacita; kuzuzila ku ng’anda, langilila cipekupeku, mubusena bwa kukkala nkambo ka cikombelo; a zintu nzizyonya buyo nzo bacita, kujatikizya. Tu soleka kuzundana, kusoleka kuba mbuli bana Jones. Mwabona? Ta tuyandi kucita ceeco.

¹¹⁶ Tu yanda kuba, kubamba eli Bbaibbele gilazi lyesu lya kulangila, alimwi atu bumbwa ku ciimo Cakwe; kajisi bube Bwakwe, mizeezo Yakwe, kulekela muyeeyo oyo wakali muli Kristo kuba muli ndiswe. Muzeezo wakwe lyoonse wakali . . .

¹¹⁷ Ino wakali muzeezo nzi Wakwe kucita, muzeezo oyo wakali muli Kristo? Lyoonse kukkanla a Ijwi lya Taata. Takukwe makani eco ciboneka kubalam, a ceeco cakaboneka nzila eyi, tii cakabamba lwandaano luli loonse kuli Nguwe. I Ijwi lya Taata ndelya kabalwa. Koonse, cindi Na kaswaana dyabulosi, Ta kabelesya neziba nguzu Zyakwe zya kumu zunda. Wa kabelesya Ijwi, nkaambo oyo wakali Nguwe.

¹¹⁸ Sena mwakasola kuyeeya? Ta kalemba bbuku cindi Na kali aa nyika. Kuciimo mbuli mbo tuzi, Ta kalemba pele ciindi cimwi. Eco cakali mu museenga. Mpawo waka cuuma, antela, kumane. Nkaambonzi Nca taka lemba bbala? Nkaambo Wa kali Ijwi. Mwabona? Wa kapona Ijwi. Ta tuyandi mabbuku manji loko, cindi waba lugwalo lulembedwe ilwa Leza. Mwabona? Mwabona? Nce ncico Leza ncayanda kuti mube, zinkozya Zyakwe.

¹¹⁹ Nywebo mulizi, mu inyika ya buhedeni, obo bahedeni mbo bakabikka mituni nkabelala bala fugamina kumbele lya mutuni, a kulinjizya beni mu kunyanyamukwa kuli obo mane bala syoma

kuti inga bamvwa mutuni oyo kauba vviila. Makani aakuyeyea, pele obo bumwi bumbi kuzwa ku Bwini bwa Leza.

¹²⁰ Leza ula muyanda. Ta yandi mutuni. Uli cinkozya cipona ca Leza. Elyo ula fugama kumbele lya Leza, nkabela Ula kuzuzya Mwini, alimwi ula Mu tondezya mbuli ciboniboni, Mbungano Yakwe.

¹²¹ Ino ndwandaano ndo tu jisi. Tu yanda kuba mbuli muna Presbyteria, Methodisti, a kusika atala eni. Alimwi zintuzyonse zya kalondolwa akuba zyaatala maningi. Alimwi tuya butandila kwinda kubija. Mwabona? Mwabona? Tu lee... kuzwa munzila eyo ibambidwe. Ko joka, ombungano. Ndili musungu kuli ndinywe, nkaambo Kuboola kwa Mwami kuli afwaafwi. Amu Mu leke abe cinkozya canu cakatondezegwa, kulitondezya Mwini muli ndinywe, nkaambo lyoonse Wa kali kucita mbubonya mbuli Ijwi lya Leza.

¹²² Eco ncencico basinsimi ncoba kacita, umwi aumwi. “I Ijwi lya Mwami lya kaboola ku basinsimi.” Elyo nje nzila mbo bakaziba kuti bakali obo. Musa, Ijwi lya Mwami lyakasika kuli Musa. I kunji... Ijwi lya Mwami lyakasika kuli Nowa. I Ijwi lya Mwami lyakasika kuli Daniele. I Ijwi lya Mwami lya kalitondezya Lini kwiinda mu bana ba Hebrayo. Ino cakali cinzi? Cindi bantu, ba bukkalo buli boonse, kabweza Ijwi lya Leza, mpawo Leza waka tondezya Ijwi eelyo kuli mbabo.

¹²³ Nowa wakali cinkozya a citondezyo ca Leza ca lubeta lwakali kusika, nkabela wa katondezya Ijwi. Elyo kwiinda ku kukkanala a Ijwi, Ijwi ndilyonya wa katondezya, kapa nyika mulandu a kuvuna ng’anda yakwe mwini.

¹²⁴ Daniele waka kanza mu moyo wakwe, ta kalisofwaazyi mwini a inyika. Elyo ino cakacita nzi? Ca kavuna buumi bwakwe. I bana ba Hebrayo, nzila njiyonya.

¹²⁵ Elyo muntu aumwi wakasola kubelekela Leza, wakaba cinkozya ca Leza, wakali Leza katondezya Ijwi Lyakwe mwini kwiinda muli mbabo. Nkaambo, bana ba Hebrayo bakati, “Leza wesu ula konzya kutuvuna.” Tee baka jisi ciyubunuzyo ca ncico, buyo kwiinda eco. “Pele,” kaamba, “nekubaboo, ta tukokotamina cikozyano cako.” Ino cakali cinzi? Ba kali kutondezya lusyomo lwabo mu Ijwi lya Leza. Elyo Leza wakalitondezya Mwini kaindi a kutondezegwa, alimwi Wa kali Muntu wane oyo ngo bakabona, mu ciboniboni eco mukati muya. Leza, kalitondezya Mwini kwiinda mu zinkozya Zyakwe zipona! Oh, ma!

¹²⁶ Lino atu lange mu—mu ciboniboni ca Leza, Ijwi, a kuzibya bube bwesu bwa ciindi. Lino, inga Nda kusyamba aniiini buyo.

¹²⁷ Nse kotola ciindi cinji. Oh, ma! Nse zyi kuti kwali kumuka boobo, kkota kuzwa. Nse jisi nkoloko awa.

¹²⁸ Nda kalangilila busiku bumwi bwainda, a kukambauka kutandila maora obilo. Nda kayeeya, "Ma, ngu seveni okuloko. Ndi cita kabotu, kuya bu kasaalilwa buyo." Elyo nceeci cakali naini theeti, ciindi ca kuleka.

¹²⁹ Amubone. Ta tuko kkala kwa ciindi cilamfu, nekuba. Andipe buyo eci kuli ndinywe ndyoonya eno, amulange...[Ii mukwesu waamba, "Ko kambauka."—Mul.] Amubone. Nda kulumba. Nywebo mulizi, cindi...

¹³⁰ Atu bone ikuti na tula konzya kulizibya lwesu. Lino amuswiilile. Amu jate eci kabotu, eco nce Ndili mukwaamba eno, ciimo cesu calino. Ndiyo unka aniini loko. Ndi yanda kuti cimvugwe kusakana loko lino, katutana jala. Ikuti na wakapona mu mazuba akwa Nowa...Lino, koyeeya buyo obo mbobede. Kosyomeka kuli lwako. Nkaambo, ikuti na to konzyi kusyomeka kuli lwako, to konzyi kusyomeka kuli Leza.

¹³¹ Ikuti na wakapona mu mazuba akwa Nowa, nkabela wakali mu ciimo cako calino, ni nkamu nzi njoyo lizibya? Lino amu ciyeeye. Ni nkamu nzi?

¹³² Cindi, ngooyu sikwiindilizya mudaala wiimvvi atala alya aa cilundi, oyo waka tondezegwa, cakuloolola, kwa myaka ili mwaanda a makumi obilo, kuti taka kkwene mu mizeeo yakwe, nkaambo ulaamba ncobeni kuti kuli maanzi aseluka kuzwa kujulu okuya. A zyoonse zibelesyo zyabo zyasayaansi zyaka tondezya kuti taakaliko. Elyo nkaambo tii caka zuminana a zintu zyabo zyasayansi, mbobuti Leza Singuzuyonse mbwa konzya kusola kucita cintucimwi eco cakali kulwana kubuzyabuzya kwabo beni? Mwabona? Elyo muntu wakali kwaambaula. Wa kali cisesyo ca ciindi.

¹³³ Lino, Nda libuzya. Inzya. Amulombe buyo eco, ni nkamu nzi njo muyo lizibya ayo? A muzeezo wampwu wa buzuba?

¹³⁴ Oh, yebo wati, "Ndi—Ndi zulilwa ku mbungano." Eco tacili ncico Nce kanana. Ba kajisi nkamu zinji zya mbungano mu buzuba obo, antela kwiinda mbo bajisi lino.

¹³⁵ Pele kwakali muntuumwi ujisi i—i mulumbe kuzwa kuli Leza. Mbo mbubo. Elyo tii cakanyina mpuwo. Nkamu yakwe yakanyina mpuwo maningi, nkaambo wa kalanganisigwa kuba sikwiindilizya. Sa inga walibambilila kulizibya omwini a nkamu eyo ya bakwiindilizya?

¹³⁶ I nzila buyo njo konzya kusola kucicita, inga yaba nkambo ka Ncico cigaminina ku yubununwa kuli nduwe. Elyo sena mwakalizi kuti eyo nje nzila ilikke Leza nja kayaka Mbungano Yakwe?

¹³⁷ Amulange mu muunda wa Edeni, mbobuti Abela mbwa kaziba kuti bwakali bulowa mucibaka ca apele? Oh! Mwabona? Ca kayubununwa kumuuya.

¹³⁸ Elyo, amulange, cindi Jesu nakali waano aa nyika, Wa kati, eco ciindi cipati loko eco Nca kali kukanana, “Ino bantu baamba kuti Ndi meni nde Mwana wa muntu?”

“Bamwi babo bakati, baa, Nduwe ‘Musa,’ na Nduwe ‘Jeremiya,’ na ‘umwi wa basinsimi.’”

¹³⁹ Wa kati, “Pele Ndi—Ndi boola cigaminina ku mbaakani. Ino muyeeya nzi kujatikizya Ncico? Mwabona? Kutali eco muntuumwi umbi ncaamba lino, pele Ndi yanda kuziba eco nco yeeya kujatikizya Ncico?”

¹⁴⁰ Elyo nce cindi Petro nakaamba a kuti, “Nduwe Kristo, Mwana wa Leza muumi.”

Lino amulangilile nzila Mbwa ka cibalulula.

¹⁴¹ Lino, tu lizi kuti mbungano ya Katolika, kutali kucisa kulimvwu kwaba Katolika, pele wa kati Wa kaciyaka ali Petro, mukuba mwaala muniini. “Atala aa mwaala oyu Mpe nzoyakila Mbungano Yangu. I milyango ya gehena taikonzyi Kwi izunda.” Mwabona? Lino, ikuti na cili boobo, mpawo mbungano yakawa. Mwabona? Lino, mpawo, ikuti na cakali obo, yaka yakwa aa muntu.

¹⁴² Lino, muna Protestant ulati Wa kaiyaka ali Lwakwe, eco cakali Ciswicabbwe Cipati, i Mwaala. Elyo, kuti, eco cili jisi Bwini boonse bunji kuli ncico.

¹⁴³ Pele andi losye buyo cintucimwi cimbi muli ceeco, amu cijatisye buyo—buyo aniiini. Ndila impana a bobilo, ku kwaamba ceeci, kuti taakali Nguwe wakali kwaambaula kujatikizya Lwakwe, cakugama, pele mubumwi Wa kali kukanana Lwakwe. Elyo Ta kasanganya Petro limbi kunze lya kulyaambilila kwakwe kuli nkuko.

¹⁴⁴ Nkaambo, amulange eco Nca kaamba, “Ulacoolwe yebo, Simooni, mwana wa Jonasi, nkambo tali muntu uulya maila waku yubunwida ceeci. To kaiya eci ku luzibo lumwi lwa seminari, na muntuumwi waka kwaambilila kujatikizya ncico. Pele Taata Wangu oyo uuli ku Julu wayubununa eci kuli nduwe.”

¹⁴⁵ Mpawo, calo nciyubunuzyo ca kumuuya ca Oyo Jesu Kristo mbwabede. Cili mbubonya. Elyo Wa kati, “Atala aa mwaala oyu, atala lya ciyubunuzyo ca kumuuya, Njo yaka Mbungano Yangu.” Ca katondezya milyango yoonse ya gehena kuti iyo ilwana, pele taba ka izundi. Mwabona? “Njo yaka Mbungano Yangu, nkabela milyango ya gehena taika konzyi kuzunda Mbungano eyi.”

¹⁴⁶ Aboobo, nywebo mwabona, Nowa waka jisi ciyubunuzyo ca kumuuya. Leza waka kanana cigaminina kuli nguwe. Abela . . .

¹⁴⁷ Cindi Kaini naka tuula micelo ya muunda, mbuli maapele a micelo, azimwi zimbi, aku bamba cipaililo cakwe kubota, a kuti, “Leza uyo zamina eci nkaambo Nda kacita zyoonse ezi, a kubamba zipaililo zipati. Elyo Nda kacisakatizya. Nda kacibamba kubota. Tu jisi mbungano mpati kwiinda mu dolopo,

na zimwi zimbi. Leza uyo citambula, muli eci.” Ta zumina mulimo wa maanza aa muntu, mu lununuko.

¹⁴⁸ Pele Abela wakaleta kabelele a kutuula bulowa, nkabela Leza waka lungulula kuti wakali mululami. Mbobuti mbwa kacizyi? Kwakanyina Ijwi lyakalembwa mu mazuba ayo. Ca kali ciyubunuzyo, alimwi mbo cibede asunu.

¹⁴⁹ Yebo wati, “Ee, Ndi zulilwa ku mbungano. Mbungano yangu ili kabotu buyo mbuli mbungano yako. Zyonse zyobilo zyaka bambwa kuzwa ku musyobo omwe wa buyake, musyobo omwe wa ziyasyo.” Mbo mbubo. I buyake tabu jisi cintu cakucita a mbubo.

¹⁵⁰ Kabunga ni nkamu ya bantu abo baboola antoomwe, kubamba mulao wa ceeco ncoba iminina, nkabela nce ncico. Taakwe kulwana ceeco, eco cili kabotu, pele eco tacili ncico Nce kanana. Ula sama musyobo nguonya wa zisani, ndiza, ikuti na zili kabotu, eco basyomi bambi nco banga bacita, elyo nekubaboo eco tacicibambi.

¹⁵¹ Pele lino amulangisye awa. Mbo cibede, nciyubunuzyo ca kumuuya ica Ijwi lya Leza. Kuti, zintuzyonse zimbi zili lubide kunze lya Ijwi eelyo, nkabela ula Li syoma. Wa kali Ijwi, alimwi Walo ndi Ijwi, alimwi lyoonse Uyo oba Ijwi. Elyo cindi Leza akonzya kujula nzila eyo, mpawo Ula konzya kukunka cakwaanguluka kwiinda mu mibili oyo wakasalazigwa.

¹⁵² Lino, lino, lino tula bona kuti na mwakali mu buzuba obo, ni nkamu nzi njo moyo lizibya; a musinsimi, a Ijwi lyaka simpikizigwa, nekubakuti bakali mu busyoonto? Na, sa inga waba a bantu basimpupo? “Ee, Nda kwaambila, Nda syoma kuti muntu uli sondokede.” Elyo nzila biyo njo konzya kusola kuziba kuti tako sondokede ngwa Leza nguonya kuyubununa kuli ndinywe cintu nciconya Nca kayubununa kuli Musa.

¹⁵³ Elyo nzila biyo njo tuyo sola kukonzya kuba zinkozya zya Leza, a bana ba Leza, nkwa Leza kutu yubunwida, a kulitondezya Mwini kwiinda mu Ijwi Lyakwe, kuli ndiswe, alimwi swebo ku inyika. Eyo nje nzila ilikke. Nkambo, Kristo wakali Cinkozya ano aa nyika, eco nco mukonzya kubona, Leza mu Muntu, Cinkozya cakatondezegwa ica Leza, nkaambo Leza wakali muli Nguwe kunji loko kuti bakali Bomwe. Elyo lino cindi Kristo nakazwa, Wa kasalazyia Mbungano, kutegwa Mbungano ikonzye kubweza busena Bwakwe a kutondezya Ijwi lya Leza. Mwabona? Eyo nje nzila ilikke mbo cikonzya kucitwa. Oh, ma!

¹⁵⁴ Sa inga waba a bantu basimpupo abo baka jisi muzeezo wampupo? “Kufumbwa kuti Nke zulilwa ku mbungano!” Elyo ndiza, “Nkaambo Nda kazyana mu Muuya, Ndili kabotu.” Ndiza, “Nkaambo Nda kaamba mu myaambo, Ndili kabotu.” Na ndiza, “Tu jisi mweembeli mubotu, alimwi Ndili kabotu.” Lino, zintu

ezyo zila syomeka. Nse jisi cintu ca kwaamba kulwana ceeco. Obo mbwini.

¹⁵⁵ Pele bubambe obu bwa lufutuko makani aa mugame a nduwe. Kwaambaula mu myaambo ncipego ca Leza. Kuzyana mu Muuya Mbusyu a Bulemu bwa Leza. Pele kuli nduwe kulekela ciimo cako kubumbwa kuba cinkozya ca Leza, kuti Ula litondezya Mwini, alimwi uli—alimwi uli mutuni Wakwe, keenda aa nyika, cinkozya cakatondezegwa Cakwe.

¹⁵⁶ Lino, sa inga wayanda kucita ceeco mu mazuba akwa Nowa? Na nooli ku lubazu lwa kukazya, kokazya musinsimi a mulumbe wakwe wakatumwa aa Leza? Lino amu ciyeeye. Nku lubazu nzi nko mukonzya kuyeeya, mu ciimo canu calino, sa inga mwatola? Lino kosyomeka. [Mukwesu Branham wakola—Mul.] (Mundi jatile.) Ta ndiyandiki kusola ku caamba. Yebo, weelede ku ciyeeya, lwako.

¹⁵⁷ Na mu mazuba akwa Eliya, cindi na kaambaula kunji kujatikizya masyu aapentedwe, elyo—elyo mulindu wasunu iwa oora, oyo Jezebele, kakkede alya kanyona mutwe wa mulumi wakwe—wakwe munzila ili yoonse nja kali kuyanda kuunka? Alimwi naa wakali kuyanda na pe, waa kaunyona, nekuba. A bakambausi boonse kaba zuminia, “Eco cili kabotu. Mwabona, eco cili kabotu, nkaambo namalelo wesu!” Mwabona? Elyo boonse bala cenga mu bweende obo cabutete.

¹⁵⁸ Ikuti na eco tacili cikozzano ca sunu, Nse na cibona. Zintu ezi zyoonse zyabufuba ezyo bantu nzo bacita, alimwi, nekubabobo, mu Zina lya Kristo. Ikuti na Wa kajisi mulandu wa zyoonse ezyo? Ta jisi mulandu wa cimwi ca ncico. Mbobuti mbo ziba awo Mpa . . .

I Ijwi lila citondezya. Atu tobele buyo kwa maminiti masyoonto a kubona.

¹⁵⁹ Sa inga waba ku lubazu lwakukazya? Sa inga nookaba kунселело okuya a Eliya, kaimvwi alya cindi Eliya nakaboneka kuba umwi alikke luzutu, elyo bantubonse bakayeeya kuti wakali wa ziyanza zyakaindi na cintucimwi? Pele eco tii caka mupenzya aniini. Wa kajisi Ijwi. Elyo wa kajisi Ijwi, alimwi ta kayoowa a Ijwi. Ta kalibilika, a Ndilyo. Kufumbwa muntu oyo ujisi Mulumbe wa Leza uuta yoowi cintu. Mbo mbubo.

¹⁶⁰ Walo Stefano muubauba mudaala wakaimvwi cifumo eco kumbele lya Sanhedrini, wa kati, “Baa, nywebo noba sicinguni, batapalwidwe mu moyo a matwi, mula ukazya Muuya Uusalala lyoonse. Mbuli bamauso mbo bakacita, anywebo mbomucita.”

¹⁶¹ I Bbaibbele lyakati, “Busyu Bwakwe bwakali mbuli Angelo” Nse syomi, cili mbuli mumuni wa malaiti na cintucimwi. Ii Angelo ulizi awo mpa imvwi. Ii Angelo ta yoowi cintu. Walo Mutumwa kuzwa kuli Leza.

¹⁶² Elyo kufumbwa muntu ujisi Mulumbe wa Leza ulizi awo mpa imvwi. Ta kwe ndaba a muntu, eco nco beelede kwaamba kujatikizya Ncico. Takukwe mabbishopo na cintu cimbi cimutonta koonse. Uli zyi ncobeni awo mpa imvwi, nkabela eco cila cibamba. Leza ula simpikizya Mulumbe wakwe a kutondezya kuti Uli luleme, aboobo uliimvwi ncobeni a Nguwo. Ta yoowi. Eco ncikonzya cakatondezegwa ca Leza.

¹⁶³ Nce ncico Jesu nca kacita. Ta kayoowa kwaamba kuti, “Oh, nywebo noba Farisi boofu, nde—nde ndinywe nomuyaka zyuumbwe zya basinsimi, alimwi nde ndinywe mwaka babikka omuya. Muli bauso wanu, dyabulosi,” aba archibishopo azintu zyoonse zimbi. Ta kayoowa, nkaambo Wa kalizi awo Mpa kabede. Iiyi.

Mu mazuba akwa Eliya, ino niwaka bweza lubazu nzi?

¹⁶⁴ Na, mu mazuba akwa Musa, cindi nikwakali Mulumbe wa Leza, waka simpikizigwa cakumaninina, lino amuswiilile, mu ciimo cako calino (Yebo wati, “Ndili Munakristo.” Yaa.), Ndila kubuzya kwalo: Ciimo cako ciliko eno, nkwiima nzi nkolino bweza? Cindi, Datani nakabuka a kuti, “Lino lindila aniini buyo. Kuli bantu banji basalala koonse okuno kunze lyako, Musa. Tuyo jana buyo nkamu ya bantu a kutu bamba kuba makani mapati awa. Elyo cintu citaanzi mulizi, tuyoooba a mabbishopo a ma archibishopo, a zintuzyonse zimbi, abusesa awa. Elyo Leza uli mu bantu Bakwe, cintu coonse. Muta yeeyi kuti muli bbwe lilikke aa nkomwe.” Cindi, Datani nakaima okuya, kati, “Sena nobantu tamu yeeyi boobo? Oyo muntu utola kunji mu maanza akwe eni. Uli mukusola, ku twaambila eco cakucita. Baa, mu nkamu ya bantu ya—ya banji kuli lulayo, kuli—kuli bukwabilizi. Baa, toonse tweede kuba antoomwe a kubamba cintu eci.” Pele kwakali Mulumbe wa Leza, waka simpikizya Mulumbe wakwe.

¹⁶⁵ Ta tweede kubuzya muntuumwi umbi cintucimwi kujatikizya Mulumbe oyu ngo tukambauka. Cili lembedwe awa mu Bbaibbele, nkabela Leza ula tondezya kuti Cili luleme. Aboobo nkaambonzi neco elede kuunka kubusena a kwaamba, “Lino, yebo omuna Katolika, ino tweede kucita nzi kujatikizya ceeci? Tuyo sangana i—i Nsangano ya Mambungano. Tuyo ziba. Tuyo oba antoomwe a bakwesu a kubona obo mbo bakayaka nkamu zyabo zipati.” Swebo tobantu ba pentekoste tatuyandi ceeco. Ta tuyandiki kusangana Kkanso Yanyika iya Mambungano. Twe elede kusangana nkamu ya Kujulu, nguzu zya pentekoste, kusumpulwa mu masena Aakujulu. Ta tuyandikani zintu ezyo.

¹⁶⁶ Pele, nywebo mwabona, ino ndubazu nzi ndo konzya kutola, mu ciimo cako calino, ikuti na Datani nakabuka akwaamba boobo, alimwi wa kaliimvwi okuya ku ciindi eco? Sa noka jatilila ku mulumbe a mutumwa wa Leza, a kukkala munsi lyaco, nkabela waka simpikizigwa cakumaninina kuba Bwini? Na, sa

noka bweza mapepa ako—aako a kwiinka okuya a kuyo sangana nkamu imbi? Oh, eco...mwabona, amuyeeeye buyo kujatikizya ncico.

¹⁶⁷ Cindi nicakaboneka koonse cakali kulwana Mulumbe wa Leza waka simpikizigwa a mutumwa wa bukkalo obo, tukwa twa kawida ali Musa. Zintuzyonse zyakali manide, kaboneka mbuli kuti Leza wakali musiide. Pele ba kabona Leza kacita cintucimwi. Ba kalizi kuti Leza wakali muli ncico.

¹⁶⁸ Lino, na, mu mazuba aa Kristo...Tuyo binda. Mu mazuba aa Kristo, ino niwaka bweza lubazu nzi, cindi mambungano oonse mapati a basilwiiyo lwabukombi babo basunu a bamaiyi bakali ku Mu lwana a milazyo Yakwe, a Lwiiyo lwa Lugwalo lupilingene? Ba kali ku Lu lwana. Cindi mbungano yako niya kaunka kwaamba kuti, "Oyo mulombwana ngu sikwiindilizy. Ee, ta kazwa mu maseminari esu. Ta tujisi bulunguluzi bwakwe kuya ku zikolo zyesu. Ta jisi kkadi ly a luswaanano. Ta jisi zyeelelo. Aboobo, mulombwana uli nyongene. Uta jisi cintu cakucita a ceeco," ncinzi ncokali kuno cita mu ciimo cako calino? Amu mubuzye buyo aniini. Yaa. Ncinzi nco kalino cita? Ikuti na Wa...

¹⁶⁹ Ikuti noka pona mu buzuba obo, a kuzulilwa ku i—i—i Sanhedrini, alimwi eco cili mbuli i—i Kkanso Yanyika iya Mambungano. Elyo mbungano yako yaka sangana muli ceeco, alimwi niba kabweza zintu ezi zyoonse. Elyo oyu Muntu wakabuka, nkabela mwaka Mu bona kacita milimo ya Leza, alimwi taakwe muntu wakali kukonzya ku Mu zunda. Nekubaboobo, Wa keelede kuba "Muntu usondokede, ta kwene mu mutwe Wakwe." Wa kali ii...

¹⁷⁰ Leza andi jatile ku bwaambe obu, pele Wa kali umwi wa "zigambyo" zya buzuba obo. Mwabona, Ndi panga ceeco kutegwa mumvwisye.

¹⁷¹ Nkaambonzi? Wa kazyalwa ku Julu. Ciimo Cakwe cakali Aatala. Tii caka—tii caka swaangana a bumembala bwa nyika eyi nku vwaana. Mwabona? Ta kali musyobo oyo wa muntu. Nkokuli nko cikonzya ciimina kakuli boonse basilwiiyo lwabukombi a boonse bamaiyi, balati, "Nkokuli oyu Muntu nkwa kazwida? Ta tuzi akwalo oko Nkwa kazwida?"

¹⁷² Cindi Na kaponya muntu moofu, ba kati, "Baa, ta tuzi oko Muntu oyu nkwa kazwida. Kopa bulemu kuli Leza. Ta tuzi cintu kujatikizya Muntu oyu. Nkokuli Nkwa kazwida? Ta—ta tujisi bulunguluzi Bwakwe. Tali aa ncito yesu ya matobelanza. Tali mu boodi lyesu ly a basikulailila, Ta—Ta—Ta ali oonse. Taakwe wabo uuzi cintu kujatikizya Nguwe. Nkokuli Nkwa kazwida?"

¹⁷³ I muntu moofu wakati, "Eco ncintu ceenzu, kuti Muntu inga wajula meso angu, elyo nekubaboobo tamuzi oko Nkwa kazwida. Elyo mweelede kuba basololi ba buzuba obuno." Inzya. Kati, "Lino, naa Ngu sizibi na pe, Nse konzyi kwaamba ceeco.

Nseli silwiiyo lwabukombi. Pele cintu comwe Nce zyi: omo Mwe kali boofu, Nda konzya lino kubona.” Nce ncico. Eco nce cijisi makani. Wa kali kuyanda kubona. Iiyi.

¹⁷⁴ Nzila, boonse bamaiyi basunu, boonse bamaiyi ba Bbaibbele bakali ku Mu lwana a Ijwi Lyakwe lya bwini litenda lizwa kuli Leza. Mula syoma kuti Wa kali simbaakani kumaninina, embo na, mu kuiiysa Kwakwe? Pele kutali kweendelana ku zikolo zyabo. Sena eco cakamvugwa kabotu? Mbobuti mbo twa kaziba kuti Wa kali simbaakani? Wa kababuzya, “Nguni ukonzya ku Ndi tondezya cibi? Amulingule Magwalo. Nge Ngawo alungulula Ndime. Ala mwaambila ncobeni. Lino, ikuti na Nse citi eco Lugwalo nco lwaamba, mpawo Taata tasimpikizyi eco kwiinda muli Ndime, mpawo amu Ndi sowelete aanze; Ndili lubide.” Iiyi, munene. Lino, tu jana kuti bakali kulwana Ceeco, Ijwi lya Leza lya bwini.

¹⁷⁵ Oh, sa inga ciimo cako calino cakuzibya a Nguwe, na a nkamu eyo ya ba Farisi boofu? Sa inga bube bwako bwalino, sa inga wajatilila ku buzumini bwako—bwako bwabukombi ibwa mbungano yako? Sa inga mwa jatilila kuli ncico nkaambo kakuti mweembeli wanu wakali, ndiza, inga wat, “Ee, walo muntu uli kabotu”? Ula konzya kuba muntu uli kabotu nkabela kacinoofwaala. Ncozyo. Sa Jesu takaamba kuti, “Nywebo nobasololi boofu iba boofu”?

¹⁷⁶ Lino, mu bube bwako, koyeeyela buyo lino, ino noka kacita nzi? Mpaaali mpo lizibya aakati ka nkamu ya bantu kuya? Ino mbube bwako buli buti? Sa inga waba a mu Farisi, “Ee, Nda kwaambila, baama bakali kuzulilwa ku mbungano eyi, alimwi eco ncibotu buyo mbuli umwi wabo. Ndiyo kkala buyo mpoonya awa”? Mwabona?

¹⁷⁷ Elyo cindi mwabona Ijwi lya Leza nilya kasimpikizya, Bwalo Mbwini, kwiinda ku mutumwa, alimwi mulingule Magwalo a ku Ci ziba. Pele kabungwe kanu—kanu kat, “I mazuba aa maleele akainda. Takukwe cintu cili boobo.” Lino, ino inga wacita nzi mu bube bwako bwalino? Bunji bwantu mwa cipandulula.

¹⁷⁸ Ikuti na weede kwaamba mu moyo wako lino, “Peepe, Ne takaba antomwe aba Farisi. Ne taka lizibya a mbabo,” mpawo ino kujatikizya lino? I Lugwalo lwaamba kuti Ngu mbobuca nguwenya, sunu, amuya myaaka. Ino kujatikizya lino? Yebo wat, “Ne taka lizibya a balo ba Farisi.” Ino kujatikizya lino? Nywebo mulizi, makani aakale ala liloolola eni. Nda kakosola kaboola kuzwa mu mutende, buzuba bumwi, ali ceeco. I ba Farisi ba buzuba obo baka Mu lwana, nkaambo ka kuyeeyela kataluzi. Eco nce cintu nciconya ncoba cita sunu.

¹⁷⁹ Amuyeeye, Nikodemo wakaamba cintu nciconya. Wa kat, “Rabi, tu lizi kuti Uli mwiiyi uuzwa kwa Leza.”

¹⁸⁰ Pele nkaambo kakuti tunsiyansiya a tubungwe twabo titwa kazumina Mulumbe Wakwe, mpawo baka kasya muntu uuli

oonse uumbi. Wa kati, “Tamu kanjili, lwanu, alimwi ukasya bamwi kunjila.” Mwabona? Ino nciimo! Ndalibuzya ikuti na inga twa lizibya a cintucimwi mbuli ceeco?

¹⁸¹ Ikuti ni mwaka Mu tobela kubona buyo maleele Aakwe, boonse mbo bakacita, elyo mwaka Mu tobela sunu mu mbungano, kubona buyo maleele Akwe a kukkanala koonse. Pele kubikka janza lyako, kutambula Muuya Uusalala, lwako, toka ciciti. Taba kaciciti. Banji baka Mu tobela buyo ku maleele Aakwe, ku babona. Pele cindi Na kakkala ku Lwiiyo lwini lwa Lugwalo, nkamu ya bantu yakeenda kuzwa kuli Ngewe.

¹⁸² Cindi, niba ka Mu bona kaponya balwazi a kujula meso. Elyo muntu wakali kukonzya kuguma cikobela Cakwe, nkabela Wa kali kunga wacebuka, ku baambilila zintu ezyo. Elyo kwaambilila Filipo a Nataniyeli, a zyoonse ezi, zintu ezyo. Baa, mwanakazi ku mukalo, a zintu ezi zyoonse, kuti Wa kalizibya Mwini kuba i—i musinsimi oyo Musa ngwa kaamba, Kristo, Mesiya. Cindi niba taka jisi musinsimi kwa myaka ili myaanda yone, mpawo aa cilao cakatyola oyu Jesu, kutondezya kuti Mbwa kabede, mwabona, kuti Wa kali Mesiya.

¹⁸³ Bunji bwabo baka Mu tobela nkaambo, cibeela citaanzi ca mulimo Wakwe, Wa kazwa ku mbungano kuyaku mbungano. Oh, baka Mu tambula cakukondwa, nkabela baka Mu pa janza pati. “Oh, Rabi, oh, Uli mulombwana mulemu!” Pele buzuba bumwi Wa kakkala a Bwini bwa Lugwalo. Elyo mpawo cindi Na kalizibya Mwini, kutali buyo mbuli Musilisi, pele mbuli *wakatumwa kwa Leza*, a Bwini a Buumi, cindi Na kalizibya Mwini kuli Ceeco, oh, Eco cakali kulwana kansiyansiya kabo, akwalo ku banji abo baka Mu tobela.

¹⁸⁴ I bali makumi ali ciloba bakanyona a kuzwa. Ncinzi nco keeledge kucita? Lino, amu ciyeeye. Cindi, Muntu oyo ngo kabona kacita zitondezyo nzyoonya zya Mesiya, a kuziba kuti Mesiya wakali kuboola, alimwi Wa kasinsima koonse oku kucitika, akwalo kuli Johane a mbabo, alimwi Wa kacitondezya, cakumaninina, elyo mpawo mwaka Mu tobela a kubona citondezyo cipati ca Mesiya, kutondezya kuti taakwe wa beembeli wakali kukonzya kuzunda Mulumbe, pee, elyo mpawo, mpoonya buyo, Ula boola koonse a kuyiisyia cintucimwi eco cili mbubonya Ijwi lya Leza, pele ciimpene ku nzila yako waka yiisigwa, mpawo, sa inga mwa jatilila a kansiyansiya kanu? Sa inga mwaunka a bali makumi ali ciloba? Oh, Lugwalo, Ijwi lisoolokede! Sa inga waunka a bali makumi ali ciloba?

¹⁸⁵ Na—na, sa inga wabona lino cizibyo cako, awo mpoya kwiima? Lino amuyeeye cakusakana, cakusinizya. Mpaali mpo konzya kwiima lino, a ciimo cako calino? Oko, ni nkamu nzi njo konzya kulizibya mukati, omuya? Na, sa inga walizibya omwini, cakufwambaana buyo lino, sa inga walizibya omwini kuli ceeco?

¹⁸⁶ Ndiyo kanana ku bana okuno, bakubusyi. Sa inga waliziba omwini sunu, omukubusyi, mbuli musyomi uulibanda, mbuli mweendelezi muvubi mukubusyi, musyobo wa Elvis Presley oyo uyandisywa misaalo ya nyika kwiinda mbo muyanda kutobelwa Kristo? Sa inga walizibya omwini a nkamu eyi ya buzuba bwasunu, alimwi, kwaamba, ee, mbuli aba Ba. Presley? Mbuli Mbwe mvwa, ngu muna Pentekoste. Elyo muna Pentekoste, kuzwa akulilemeka boobo, ngwa Pentekoste buyo ku zina. Kuli ndime, ngu Judasi umbi.

¹⁸⁷ Pat Boone a bantu abo bataminina kuba bakombi, a zizyano zyakuliyuumba buniini a kulibbwayaula, a cisapi ca inyika, elyo mpawo kutaminina Bunakristo. Baa, ndi sampa. Li laindila kubija kwiinda sikuuzya makoko kunze acuulu. Li laindila kubija kwiinda—kwiinda sibwaamu mu kagwagwa. Leza inga walemekwa sibwaamu kabotu kwinda oyo.

¹⁸⁸ Ernie Ford abalo kabaimikla busiku boonse, aya maparti akulisangabalisa a zintuzyonse, a kulilemeka bumwi, a maboko kuzunguluka banakazi, balo basinkwela a zintuzyonse, elyo mpawo kuyutuka a kwiimba ziimbo. Eco nce cindi no mwasambala bupati bwanu. Mbobuti mbo mukonzya kulizibya lwanu?

¹⁸⁹ Oyo mukubusyi muniini waka jisi i...Wa kali muntu muvubi. Wa kajisi coolwe. Mbwa bede, ambweni wakali, simpindu Munakristo, awalo. [Kabeela katakwecintu aa teepu—Mul.]...mbungano.

¹⁹⁰ Lino, mukubusyi, ino inga wacita nzi kujatikizya ceeco? Cindi, wasola kulilemeka mbuli Marilyn Monroe na bamwi babo bambi, na bamwi banakazi mbuli mulindu mutaanzi wa cisi, a baaba okuno misyobo yoонse ya kulilemeka bumwi, a oku kugela masusu, a—a kunana misila ku meso, a madresi aya, ajata aabwaamu. Elyo—elyo nywebo nobaalumi, kubalekela kucicita!

¹⁹¹ Elyo nywebo no beembeli kakutakwe camba cakutapatila kuzwa ku cikambaukilo, anywebo! Mbubo. Huh! Mbo mbubo. Inzya. Mbo mbubo. [Mbunga yalumbaizya—Mul.] Lino, aniini buyo. Amuswiilile. Mbo mbubo.

¹⁹² Pele ziindi zinji muli jisi beembeli bakapegwa aa Leza bayo citapatila, nkabela tamu keendeleni a Ijwi nekuba. Lino amuswiilile, tu jana kuti, amubweze, kuunka nzila imbi, ayalo. [Mbunga yalumbaizya—Mul.] Mbo mbubo. Ino Ndi bikka nzi kumbele lyanu? “Oh,” kwaamba, “ba...” Ndi lizi kabotu kwiinda ceeco. Nda kaindamo, Iwangu, Phoenix, kwa myaka yamamanino ili kkumi ayosanwe, elyo ciboneka mbubonya mbuli mbo yakacita lyoonse, kuya bwiindila buyo kubija. Aboobo muta ci bikki coonse ku mweembeli. Uh-huh. Atwaambe buyo kuti toonse tu jisi mulandu, a kwiimikila awo a kulilanga lwesu mu gilazi. Inzya.

¹⁹³ Bakubusyi, ino kujatikizya ceeco? Mula kuyanda kulumbaizya kwa bantu kwiinda mbo moyanda i—i kutambwa nko mupa, ku kubumba ciimo canu mu cinkozya ca Mwana wa Leza? Ino kujatikizya ncico? Mbobuti mbo tukonzya kucicita? Oh, ma! Sa inga walibona lwako, kuyanda mpuwo? Mbobuti kujatikizya...

¹⁹⁴ Lino, Ndi selemukila ku muunzi munsi buyo aniini lino. Mbobuti kujatikizya ndinywe noba Pentekoste nomuzi kabotu loko? Mbo mbubo. Nywebo mulizi kabotu kwiinda ceeco. Nywebo mulizi kabotu loko.

¹⁹⁵ Aboobo, amuyeeye eci cizibyo camamanino ca mweendelezi muvubi. Wa kali mu gehena, kalungumana ku muntu oyo wakapona kabotu, kulomba maanzi. Pele wa kalanduka mugelo oyo mupati kakutakwe kuzumina kukonzya kwa Leza kumu josya. Elyo ngooyo mbwa kabede, alimwi ngooyo mbwa bede sunumasiku, alimwi lyoonse uyo oba. Yaa. Eco nce cizibyo cakwe camamanino.

¹⁹⁶ Aboobo, utalizibyi omwini a namalelo wankwela. Na, uta lizibyi aumwi wa baaba awa mbuli Elvis Presley wa masusu akailululwa, kulilemeka bumwi awa a kulinyonanyona bucebuce a kulinyona, a kuliita lwako kuti uli Munakristo; na Pat Boone, nkaambo ujisi gitaa li a kukonzya kulibonya akulilemeka cabufuba ancico.

Lekela Kristo alitondezye Mwini muli nduwe. Mbo mbubo.

¹⁹⁷ Iba Pentekoste, sunu, kuzwa ku Ijwi lya Leza.

¹⁹⁸ Sena muli zibya a nkamu ya Judasi? Amuyeeye, Judasi waka talika kweenda, kweenda a Nguwe. Lino, ikuti na eci cacisa, Nse cikanzi kucisa, pele Ndi pandulula kuumua canguzu kapati. Mwabona? Inzya. Judasi waka talikila abweende bululeme. Wa katalika kweenda, kweenda a Nguwe. Pele cindi na keelede kuba...kujana mali masyoonto mu maanza akwe! Uh-huh.

¹⁹⁹ Nda libuzya ikuti na eco inga cabikkwa ku Pentekoste? Cindi ni twa kazwa mu kkona lya kagwagwa, alimwi kuzwa mu missioni niini mu kazila kamanikide, elyo mpawo tweelede kuba a mali masyoonto. Elyo Nda libuzya ikuti na bweende bwesu tabuna nyongana aniini. Cindi twa nojisici cikama ca... Ndiza nkamu ya bantu banjila omuya, kwaamba, "Oh, ee, eci," kwaambaula zya mamembala. Sunu, koonse nko moyanda mamembala, mamembala.

²⁰⁰ Leza talangi ku mamembala. Walo nciimo cakuvwima, eco Nca konzya kubikka Ijwi Lyakwe mu muntuumwi uyo Mu syoma. Mbuli Mbwe kaamba, busiku bumwi, Elieza waka cipengela kapati kusikila wa kajana ciimo ca nabwiinga. Mpawo wa kacita kumubamba kwiima nji, kutegwa kamusamide kabotu, kuyo swaana umwi ngo bakali kwaambaula. Mwabona? Baa, ikuti na wajana ciimo, to konzyi ku babikka kabotu. Taba konzyi...Um-hum. Yaa.

²⁰¹ Amubone lino, Pentekoste ya busyaasunu. Lino, lino, twa kaambaula ku Presbyteria, Katolika, pele Ndiyo ambaula kujatikizya ba Pentekoste lino, nkaambo twinka awa kwiiminina cintucimwi. Mwabona? Pentekoste, sa tacili cintu ceenzu, kuti, ba Pentekoste mu bukkalo obu bwasunu obo Bbaibbele mbolya kaamba kuyooba mbuli Laodikeya? Laodikeya. Kuli mwiiyi waci Griki uukkede awa, uuswiilila ndime. I *Laodikeya* caamba “mwanakazi.” Laodikeya ndi zina ly a mwanakazi, mu Cigriki. Taakwe imwi ya mbungano yaka imininwa aa zina eelyo. Pele lino mwanakazi, Jezebele. Mbo mbubo. “Elyo tuli jisi bavubi. Taakwe nco tubulide.” Pele kutaziba kuti tuli “cinswe, boofu, bapengede,” bakazwa mu Nzila. Ncinzi nco twa kacita? Twa kabweza lubono lumwi, ndiza, mbuli Judasi mbwa kacita, mwabona, mpawo tii twa keenda limbi a Ndulo. Kasambala, ku mpindu yakwe, bantu banji loko bala cita eco. Tubungwe tunji loko twa limvwanya aa Ijwi, kutegwa kujanwe mamembala manji, mpindu ya mugame; kucita kufumbwa cintu.

²⁰² Akube kuti mweebeli aboole mu bukkale bwa bantu a kuyaka mulimo mubotu. Elyo mpawo bali jisi muswaangano, muswaangano wabonse kubusena bumwi, nkabela bala mugwisya mulombwana oyo, a kubweza kaaze muniini mbuli Ricky muniini akumu bikka omuya, elyo mpawa kumwaya biyo mbelele. Ikuti na Leza wabikka muntu omuya... Pele, oh, bala cita eco ku zizuminano, ziindi zinji; kusla, akutuma mukwesu mucete kubusena bumwi wakayaka ncobeni mulimo. Mpawo, ta bazi kuti bala tyola nsingo zyabo beni mu kucita boobo, a kunyonganya mbungano.

²⁰³ Kasambala, ku mpuwo, muzeezo wabugame, kujana, mpindu zyabo, mambungano mapati, tubungwe tupati. “Nkamu yesu ni mpati kwiinda zyoonse zyanu.” Oh, eyo nje nzila. Iba Baptisti baka jisi kaambyo kakuti, “Bali milioni bambi mu’ 44.” Pele ino ujisi nzi?

²⁰⁴ Nda kati, busiku bumwi, “Kulyaambilila; mabwe nkulyaambilila.” Ino bbwe ligwasya nzi kakutakwe mubezi wamabwe ujisi Cceba libosya lya mabemba obilo ilya Leza, ku zibumba a kuzitenda kuba bana balombe abasimbi iba Leza? Iiyi.

²⁰⁵ Ino Judasi wakacita nzi? Ino wakacita nzi? Amuyeyeye ciimo cakwe camamanino. Oh, ino wakacita nzi? Wa kazumbauzya kutaminina kwa Kristo, nakamana kweenda a Nguwe. Ba Pentekoste, muta soli kucita eco. Bantu Basimakwebo, muta soli kucita eco. Muta zumbauzyi kutaminina Kwakwe. Ngu mbobuca nguwenya, sunu, amuya myaaka. Judasi waka zumbauzya kutaminina Kwakwe, a kuba basimpupo maningi a ku Bu sambalila. Ciimo ca Judasi cakamucitya ku Mu sambala, kuli basikujana butongo kuli Nguwe.

²⁰⁶ Elyo sunu cintu nciconya cili mukucitika. Ziindi zinji ciimo nco tu lekela kubumbwa, kutu sambalila, ku mapakasyo aa inyika, ku bantu abo bakali kujana butongo. I cintu nciconya eco Pentekoste nciya kazwida, ila jokela moonya muli njiyo alubo, canyika buyo mbuli mbo bakabede mu busena butaanzi. Mwabona? Ino ncinzi? Tula kakilwa kulekela Buumi Bwakwe kutondezegwa muli ndiswe.

²⁰⁷ Na, sena ula lijana kulizibya a basikwiya Bakwe beni? Ameni. Awo mpo tu yanda kuba, cabwini kuli Nguwe, cabwini ku Ijwi Lyakwe. Ka kkalilila, mu busyu bwa basikujana butongo! Ameni. Sena mpaawa mpolijana kulizibya suunumasiku? Alumbwe Mwami. Ameni. Kulekela Buumi bwa Kristo kukunka kwiinda muli mbabo! Iiyi, munene. Ba kasalazigwa kwiinda ku kuboola Kwakwe. Elyo muntu sizibi, ku kulyaambilila... Elyo kusalazigwa kwaka basalazy, a myoyo yabo yaka simpwa loko kuli Leza kusikila Kristo waka litila Mwini muli mbabo a kutondezya Busyu Bwakwe ku inyika. Mu busyu bwa basikujana butongo, ba kaima mbuli Mbwa kacita. Ba kaima cabwini ku Ijwi, akwalo kusikila umwi wakati, "Yebo utandila kundi sungilizya kuba Munakristo," umwi wakwe... basikujana butongo.

²⁰⁸ Sa inga walizibya omwini a Petro aa Buzuba bwa Pentekoste? Sa inga walizibya lwako omuya mu Incito 2?

²⁰⁹ Oko, bantu balati, sunu, "I Muuya Uusalala wakapegwa biyo ku baapostolo bali kkumi ababili."

²¹⁰ Sa inga walizibya omwini a Petro, cindi na kati, "Amusanduke, umwi aumwi wanu, a kubapatizigwa mu Zina lya Jesu Kristo kuti mujatilwe zibi zyanu, nkabela moyo tambula cipego ca Muuya Uusalala. Nkambo cisyomezyo cili kuli ndinywe, a ku bana banu, a kuli baabo bali kulaale, abalo boonse Mwami Leza wesi mbayo ita"? Oyu Muuya Uusalala nguwenya!

²¹¹ Sena ula lizibya omwini okuya a nguwe aa buzuba obo? "Nda ima a nduwe, Petro. Iiyi, munene. Aa njiisyozya zya mbaakanizya Lugwalo, Nda ima awo. Ndi yanda buumi bwangu kutondezya Lugwalo, mbuli buyo banu mbo bakacita okuya, cindi bali zyuulu zyotatwe niba kayaswa mu myoyo yabo."

²¹² Cindi niba kabona camba ca mbabo, mazuba masyoonto kwiinde ceeco, ba kalizi kuti bakali antoomwe a Jesu. Ba kajisi Ijwi, alimwi balizi kuti Ijwi lyakali kupona moonya muli mbabo. Alimwi bakali kuyoowa kunyonganya eelyo Ijwi lya Leza, nkaambo bakali bwiiminizi bwa Ijwi eelyo, a buumi buli boobo, cakuti Leza inga walitondezya Mwini kwiinda moonya.

²¹³ Kaambila muntu, "Nsiliva a ngolide Nse jisi. Nse jisi mayake mapati a zintu zipati ncobeni. Mbuli eco Nce jisi, Njo mupa. Mu Zina lya Jesu Kristo, amwiime ku matende anu." "Mbuli eco

Nce jisi!” Wa kacita kuba a cintucimwi katana konzya kucipa. Ameni. Oh, ma!

²¹⁴ Mukubona kuti Ijwi ngu mbobuca nguwenya amuya myaaka, nzyalani zyoonse, zyoonse ezyo Leza nzyaita ziyo bona kutondezegwa.

²¹⁵ Na, a Paulo, cindi Demasi wampuwo, wamu inyika waka musiya, ku Munakristo wakwe, butegwa, bakwesu ba muzeezo wampuwo. Cindi Paulo nakaima aa Ijwi, “Demasi waka musiya, luyandisyo...kayanda eyi inyika yasunu.” Kamusiya, nkaambo kakuti wa kali kasimpe ku Ijwi. Lyu kali tonkomene maningi kuli nguwe. Nguni ngo konzya kuunka awe, Demasi, na sa inga waunka a Paulo? Kolingula Ijwi. Ino ndubazu nzi ndo konzya kunjizya bube bwako calino ku ciindi eco? Nekubaboo, balo bakali Banakristo balibanda.

Paulo wakati, “Boonse bantu baka ndisiya.” Mulombwana muniini mucete!

²¹⁶ Nda ka libilika lyoonse kuli Mwii. Ern Baxter. Wa kati, “Yebo ulizi, cindi Nda kusika ku Julu, cintu citaanzi nce Ndiyo cita?”

Nda kati, “Ino ncinzi, Mukwesu Ern?”

²¹⁷ Wa kati, “Ndiyo enda nkoonya kuya kuli Demasi a kumu bakula lubayi kumeso canguzu mbuli Mbwe konzya.”

Nda kati, “Lino, Ern.”

²¹⁸ Wa kati, “Ndiyo amba kuti, ‘Nkaambonzi nco mwakasiya Paulo kumusanza okuya mbuli boobo?’”

²¹⁹ Nda kati, “Yebo uyeeya ncobeni kuti uyooba Kuya, Ern?” Nda kati, “Kocenjela ku kuyanda kwako kwa kumu bakula lubayi ku meso.” Nda kati, “Inga nseyanda kuba awo mpa kabede, ndiza, mwabona, kwelela kucita ceeco.”

²²⁰ Mboli muhedeni mbwa kaamba, kati ku musimbi muniini. Wa kati, “Sena ula syoma kuti Bbaibbele?”

Kati, “Masimpe.”

²²¹ Kati, “Ndi yeeyela kuti mula syoma kaano ako kajatikizya Jonasi, nswi ili mukumena Jona.”

Waa kati, “Nconzyo.”

Kati, “Mbobuti mboya kucitondezya, bumbi ku lusyomo?”

Kati, “Cindi Nda akusika ku Julu, Njo mubuzya Jona.” Mbo mbubo.

Kati, “Ino kuti Jona tako Okuya?”

²²² Kati, “Mpawo uyo mubuzya.” Aboobo Ndi yeeyela kuti eco cila cibamba. Mwabona? Iiyi, munene. Na kamubuzya. Aboobo, nywebo mwabona, mpawo, eco cila cibamba.

²²³ Nda syoma, mpawo, ikuti na wa kasiya Paulo a kusiya Ijwi, wa kacita cintu nciconya Judasi nca kacita. Iiyi, munene. Ino ndubazu nzi ndoyo bweza, mu busena obo? Lino amuswiilile,

ba Pentekoste. Ino ndubazu nzi ndo konzya kutola? Nda kali kugwala aba bana Presbyteria, abamwi bambi, lino ino inga wabweza nzi? Ino niwakatola lubazu nzi awa?

²²⁴ Na, andi mubuzye cintu comwe cimbi. Eci inga canyonganya aniini, pele Ndi yanda ku mubuzya cintucimwi. Cindi, penzi lya kayutuka mu mbungano ya Bakorinto, kujatikizya bakambausi banakazi; alimwi balo kabagela masusu abo, banakazi. Elyo kaambo kakayutuka, nkabela Paulo wakabweza bube, cuti, “Ta beelede kubambwa kuba bakambausi.” Paulo wakabweza ciimo, cuti, “I mwanakazi, kugela masusu akwe, walo ubausya mulumi wakwe, alimwi taelede nokuba kubonwa kapaila mu buleya.” Ncinzi, mu lubono Iwako luliko, ncinzi ncokonzya kusala? Lino langa mu ciboniboni. Ncibotu ndacisiya eco cilikke. Ndi yanda cuti ulange ku bube bwako calino. Ino ncibeela nzi nco cakacita... Ino, nkokuli? Inzi, kuli? Mpaali mpo langide lino? Ino ulanga kunzi?

²²⁵ Paulo wakali kutondezya Kristo. Sena mula syoma obo? Nincobeni.

²²⁶ “Paulo,” yebo wati, “oh,” mwanakazi waka ndaambila, kati, “wa kali buyo mudaala wakali kusulaika banakazi.”

²²⁷ Paulo wakati, alimwi—alimwi omuya mu Bagalatia 1:8, “Ikuti na Angelo uuzwa ku Julu wasika a kukambauka cintu cimbi cili coonse kunze lya ceeci, kuli ndinywe, abe Mutuke.” Mbo mbubo. Mbo mbubo. Lino, eco cili...

²²⁸ Mpaali mpo tondezya eno? Uh-huh. Uta bwezi lubazu lwa mpuwo. Bweza lubazu lwa Ijwi. Uh-huh. Oh! Iiyi, munene. “Kamusiya.”

Elyo cindi penzi nilya kasika, baa, Paulo wakabweza kwiima.

Elyo ba kalemba, kati, “I Muuya Uusalala waka twaambila kucita.”

²²⁹ Wa kati, “Inzi? Sa Ijwi lya Leza lyakazwa kuli nduwe, na ku Li gusya kuzwa kuli nduwe luzutu? Ikuti na muntu uuli oonse ulayeeya mwini kuba simuuya na—na musinsimi, uyo ziba zintu ezyo Nze lemba yalo milao ya Mwami.” Ino cakali cinzi? Wa kali kukkala a Ijwi. Ameni.

²³⁰ Lino, mpaali mpokkala? Cili kuli nduwe lino. Ko jana buyo busena bwako. Yaa. Iiyi, munene.

²³¹ Mpaawo Paulo wakaima, nkambo—nkambo...kuzwa ku busena obo mbwa kajisi. Amuyeeye, Paulo, kucita ceeci...Lino, amulindile. Andipe cintucimwi cimbi katutana kuzwa. Paulo, katana konzya kucita ceeci, wa kacita kusiya cilao cipati nca kajisi mu mbungano ya buzuba bwakwe, ku kukkala a Ijwi.

²³² Lino, ikuti na ulanga kuli Paulo, ino kujatikizya nduwe, cindi mbungano yako ya yiisya bwiimpene kuli Njiyo? Ino

kujatikizya nduwe, mweembeli, mukutausi, basimbungano? Masimpe.

²³³ Ino wa kacita nzi? Wa kacita kubweza busena obu kutegwa Lunyungu olu lukonzye kukomena, Lunyungu lwa Buumi Butamani. Ta kaliimpene. Wa kati, "Kuli boobo akwalo, mbwaamba mulao." Mbo mbubo. Ta kali... Wa kakkala ncobeni a Ijwi. Elyo kucita ceeco, wa kacita kusiya mbungano yakwe ya orthodokisi, ku kucicita. Kubamba Ijwi ly a Buumi kukomena, wa kacita ceeci.

²³⁴ Demasi a boonse bamwi babo, bakati, "Oh, inga akwalo wa boola. Ko zumanana, Paulo, yebo toli..."

²³⁵ Pele Paulo wakaima mpoonya awo a Ijwi eelyo. Oyo mu Juda, muubauba wa mpemo yoongomene, Ndi yanda kumubona aa Buzuba obo. Ndi yanda kwiima awo, kumu langilila kusama musyini oyo wa basikufwida bukombi cindi aboola. Ndi yanda kubona okuya, a kwaamba, "Bulemu! Aleluya! Paulo!" Amen. Iiyi, munene. "Kokkala aa Ijwi! Ndili kkomene, Paulo." Aboobo, kondi gwasya, Leza. Andi kkale mu busena mbubonya. Iiyi, munene. Iiyi.

²³⁶ Mu cilengaano eco Nce kabona kutali ciindi cilamfu cainda, ca bantu abo kutala okuya, Nda kabuzya mubuzyo. Amu cibale mu i—i cakutamfunya, caano ca Bantu Basimakwebo. Ba kati... Ee, Nda kati, "Sena Paulo weelede kucita?"

Kati, "Iiyi, munene."

²³⁷ Nda kati, "Nda kaimikla aa Cintu nciconya nca kacita." Iiyi, munene. Kokkala, cintu nciconya.

²³⁸ Musa wakacita kuseluka kuzwa ku cuuno cabwami, kuti abweze Ijwi ly Leza. Wa kasiya cuuno cabwami. Mbo mbubo. Wa kali sikukona ku cuuno cabwami. "Elyo wa kasiya misaal ya kuba Farao, nkambo wa keezeezya kusampaulwa kwa Kristo kuba buvubi bunji loko kwiinda lubono lwa Egepita."

²³⁹ Yebo wati, "Ee, Nda kwaambila. I banakazi boonse bayo ndiseka. I baalumi bayo yeeya..." Ta ndikwe makani eco ncoba yeeya. Mbo mbubo.

²⁴⁰ Paulo wakaseluka. Musa wakaseluka kuzwa ku cuuno cabwami. Ndi jisi nzila yabo ilembedwe aapepa awa, kubweza mapeegi otatwe. Pele andi kwaambile cintucimwi, ndigwasye, cakufwambaana ncobeni.

²⁴¹ Jesu wakaseluka kuzwa ku Julu, kuti alitondezye Mwini mu ciimo ca mibili wazibi. (Elyo ino nduweni, na ino Ndime ni?) Kubamba i...kubamba nzila kuli ndiswe kutondezya Leza, ku kubamba nzila yaku Li tondezya muli ndiswe, kwiinda ku kutusalazyu ku Ijwi Lyakwe. Nkambo Ijwi Lyakwe lyaamba, kuti, cindi Na kacita boobo, kutegwa tutondezye Ijwi Lyakwe.

²⁴² Muli Johane 14:12, Wa kati, "Oyo usyoma Ndime, milimo Nje cita uyo icita awalo." Nkaambonzi? Wa kali Kristo,

katondezya. “Ii kaindi kaniini nkabela inyika taika Ndi boni limbi. Nekubaboo, myo Ndi bona, nkambo Ndi . . .” (“Mebo,” bbala lyaamba mugame.) “. . . abe a ndinywe, akwalo muli ndinywe, mwabona, koonse ku mamanino aa inyika.” Oh!

²⁴³ “Ikuti na umwi uyo Ndi tobela, a lyuubaule mwini. Amu muleke a kake kayanza kakwe kabuzumini kakabambwa aabantu, kabweza Bbaibbele lyakwe aku Ndi tobela.” Mbo mbubo. Iiyi, munene.

²⁴⁴ Mpawo, ula lizibya abusena bumwi mu Lugwalo. Kwiina kuzumbaunya, Nde elede kujala. Ula lizibya abusena bumwi mu Lugwalo. Nywebo mulizi obo. Umwi aumwi wesu, tula bona cizibyo cesu.

²⁴⁵ Mbungano, tuya kokuya ku ii—ku kubungana kwa kakanzwa kwa mwaka. Mambungano ali kukomba. Bantu bali mukuliimya. Nda katila moyo wangu, koonse mu mvwiki, koonse akoonse mu kkuti eli, ku lwaanzi a kkona lyonse Nde konzya kunjila, kusoleka nkwe konzya ku kucenjezya Kuboola kwa Mwami. Elyo mpaawa mpo tubede, kakutanaba buyo ciindi eci awa. Elyo atu lizibye tobeni lino, kweenda okuya kulaale, kwiiminina, na kutondezya Jesu Kristo.

²⁴⁶ Sa tuyu lizibya lwesu a kugelwa kupya? Sa tuyu lizibya tobeni a mbo tukonzya kusama cabwaamu? Sa tuyu lizibya lwesu obo mbo tukonzya kwiimikila a kukanana, obo mbo tuli lwiyo lunji ndo tujisi? Cindi, Paulo wakati, zintu ezyo, wa kacita kuziluba kutegwa azibe Kristo.

²⁴⁷ Sa tu zibya pentekoste? Sa ndiswe? Ino, mpaali mpo tuli jana kutondeezegwa?

²⁴⁸ Ino tu tondezya nzi, nekuba, ikuti na tu jisi buyo coongo cinji, a kukonzya koongolola a kusobana, a kusotoka mujulu aansi? Oh, Nda kabona bana Mohammedi kabacita ceeco. Nda kabona basokwe kabacita ceeco.

²⁴⁹ Taakwe bukanazi! Ta ndaambi ceeco, kudana. *Obu* tabuli busena bwa kusekaseka. Eli ndi Ijwi lya Leza. Mwabona?

²⁵⁰ Pele Nda kabona banyama kabasotauka, kabasotauka, basulwe. Eco ta caambi cintu. Nee ncobeni. Uli kkomene. Kufumbwa cintu inga cakubamba kukkomana, kukubona kumwi kuniini. Nda kabona basizibi kaba koledwe loko, a kukkomana loko! Nconzyo. Eco ta caambi cintu.

²⁵¹ Pele nkokuli oko kukkomana nko kuzida? Ngaali matalikilo? ino cimvwiila nzi ali nduwe? Ino citondezya? Muntu umwi uyo kaka Ijwi lya Leza; muntu umwi uyo ponu mu nyika; muntu umwi uyo mvwa Bwini a kuzwa kuli Mbubo; kusambala bupati bwabo, ku cintucimwi cimbi?

²⁵² Oh, Leza kotu gwasya, mukwesu, mucizi, kotu gwasya kujoka a kulekela Kristo kulitondezya Mwini, awalo, muli ndiswe, mbuli boobo. Oh, ma! Akube kuti Leza atu gwasye

kulizibya muli Nguwe, kunji loko, cakuti Ijwi Lyakwe a Busyu Bwakwe bukonzye kukunkila kwiinda muli ndiswe, kulitondezya Mwini ku inyika, ameni, kuli ceeco nco tuyu kulanganya.

²⁵³ Kwaamba komwe kumbi, Ndili mukujala. Amuswiilile kabotu. I Mufuzi lino uliimvvi alibambilide.

²⁵⁴ Nyewebo mulizi, ziyandisi zila janwa mu nyika, ziyasyo ezyo nzo toonda antoomwe. Pele, nyewebo mulizi, ikuti na mwajana muli ceeco, cintucimwi caka sanganisigwa muli ncico, ako kabalo kayandisi nkoya kupasaula. Ii nkentani taili njumu loko kwinda maswaanino ayo mpoi kompeme.

²⁵⁵ Aboobo, ikuti na usola kuba bbwe lya kagwamwa kuzwa kuli Leza, cintu cimwi, elyo mujana kuti usola kulibamba lwako kuba mupati maningi, alimwi akati awo wa kayandika kusyanikizya inyika imwi muli njiyo, elyo bbwe liyo pasuka. Tali kaimi kusunkwa. Elyo, amuswiilile, Leza taka tuzumini, bantu ba Pentekoste, cindi twa njizya tuyanza twabuzumini a zintuzyonse zimbi mu Ijwi lya Leza. Ciyo... Leza uyo kaka bbwe a kuli waalila ku lubazu lumwi. Tu talangi zintu zipati.

Atu lange kuli Kristo mu buumi bwesu. Atu langile bubombe. Mwabona?

²⁵⁶ Amuyeeeye, ikuti na bbwe ndi pati, alimwi musola kumwaika, nce ncico Nce yoowa kuti tusoleka kucita. Oyo ngo mulimo Ngwe jisi aba Bantu Basimakwebo. Ci boneka mbuli kuti bali mukukomezya cintucimwi kapati. Elyo Ndi—Ndi... Ako nkekaambo Nce bijilwa ku... Ndi—Ndi—Ndi yanda kusyomeka kuli ndinywe, bakwesu. Nde elede kuyo muswaana kulaale mu Lubeta buzubabumwi. Nke kaambo mbungano ncoi yeeya kuti Ndi lwana mbungano. Nse lwani mbungano. Ndili...

²⁵⁷ Nkaambonzi ncenga Nda lizibya lwangu kuno a ndinywe? Ikuti na Nda yeeya kuti Baptisti yakali luleme, Methodisti yakali luleme, Presbyteria yakali luleme, ni Ndali aambabo. Ndili waano a ndinywe nkaambo Ndili mukulizibya lwangu okuno a ndinywe.

²⁵⁸ Uta soli kwindilila minyinza yanu lino, kuba cintucimwi ncomutali boobo. Muta soli kulibamba lwanu kuba bapati, kweeyanisa a mutuumwi umbi, a kubeleka inkamu imwi yatulengwa twanyika omuya, kujana mamembala manji a zintu. I cintu ciya kupwaika mu bubili, nkabela Leza Leza uya kucisowela ku ciwi kulaale, kuya kubumbwa lwabili.

²⁵⁹ Uyo busya bana ba mabwe aya amwi, kuli Abrahamu. Mbo mbubo. Uyo cicita. Uyo gusya muna Presbyteria, kugusya cintucimwi kuzwa kuli ncico; Methodisti, na Baptisti. Elyo kuboneka mbuli kuti Wa katalika nzila eyo.

²⁶⁰ Sa mula ndimvwa, Bantu Basimakwebo? [Mbunga yaamba, “Ameni.”—Mul.] Nkaambo buyo kakuti tu jisi zina lya “Pentekoste,” eco ta caambi cintu kuli Leza. Peepe, munene.

²⁶¹ Pentekoste takali kabunga. Pentekoste nduzibo. Kwalo nkutondezegwa kwa Kristo, oko Nkwa katalikila aa Buzuba bwa Pentekoste, kulitondezya Mwini kwiinda mu bantu.

²⁶² Elyo mpawo bantu bakatalika kuyungizya zyanyika. Ncinzi cakacitika? Ba kanjila mu Kkanso yaku Nicaea, a—a kukaka zisyomezyo zya antangalala izya Leza, a kubikka kayanza kabuzumini muli njiyo. Elyo waa kapasaula luzibo lwa Bunakristo mu tubeela toonse, nkabela waa kazwa kunjila mu Bunakatolika.

²⁶³ Luther waka talisya lubambululo. Elyo wa katondezya, nkabela caka mwaya cintu alubo.

²⁶⁴ Methodisti yaka boola antoomwe a kusalazigwa. Elyo wa katalika kutondezya, alimwi wa kacita cintu nciconya.

²⁶⁵ Elyo ba Pentekoste bali mukucita cintu nciconya. Oh! Ee, amu cilange, inga mwa cibona.

²⁶⁶ “Mbobuti mbo...?” Kwaamba, “Mbobuti mbo ziba zintu ezyo?” Ee, andi kwaambile cintucimwi.

“Mukwesu Branham, sa uli mukusinsima?”

²⁶⁷ Ta ndili mukusinsima kwini. Pele cindi dokotela alangalanga mulwazi, ula bona zitondezyo, ulizi eco ciyo citika. Ndi bala kuzwa mu Bbuku lya Dokotela. Elyo Nda bona bumboni kabubeleka mu mbungano ya Pentekoste, alimwi Ndi lizi oko nkwaya.

²⁶⁸ Ko cileka. Leka. Ko joka. Leza aku gwasye. Uta unki nzila eyo, bantu. Sa tokonzyi kubona eco nce Ndili mukusola kucita? Ndi yabaazya buumi bwangu, kusola ku kuvuna kuzwa ku cintu eci mozuzila. Buzuba a buzuba, mwaka a mwaka, Nda ompolola lwangu. Elyo muyeeya kuti Ndime sinkondo nyokwe. Ndili munyoko. Amu joke. Muta inki mu nzila eyo. Sena tamu boni eco cakacitika cindi bamwi niba kainka nzila eyo?

²⁶⁹ Bantu Basimakwebo, amutantamuke mu mukondo oyo. Lino mula lemba misyobo yoonse ya tuyanza twabuzumini mu mamagazini anu, alimwi eco cimu njizya mu kabungwe mbuli buyo bamwi. Nywebo mulizi eco cili buyo boobo. Sena tamu boni kuti mula boola moonya mu cintu nco mwakaimvwi kulwana? Lino, tamu kandi yandi, ndiza. Kufumbwa... Obo mbwini. Amu lengele majwi angu: Amunyone, nape mwa nyonyooka.

²⁷⁰ Pentekoste, amunyone, nape mwa nyonyooka. Amu joke ku Ijwi. Nkumuka kwiinda mbo muyeeya.

²⁷¹ Leza uyanda kutondezya, kutali mamembala, pele mabwe eni akalondolwa a kubumbwa a kubambwa kabotu. Amulangilile. I Mufuzi uliimvwi sunumasiku, kulibambilila

kugwisya kudonaika koonse kwa masifwilila, koonse oko kulwana nduwe. Elyo ku...Uli waano, kulibambilila ku kubumba aku kubamba mu basyomi, kugusya kuzumbauzya koonse kuzwa kuli nduwe.

²⁷² Ko zumanana, wabona basikulikozyanisa banji loko kaba boola ambali, kwaamba, "Eci, alimwi, bulemu kuli Leza, Ndi jisi eci. Elyo, aleluya, Ndi jisi eci." Elyo mula jana, taba jisi cintu. Elyo dyabulosi wakacita ceeco, kubusya kuzumbauzya mu moyo wako. Mwabona? Wa kacita ceeco, cabukanze, kucita ceeco. Pele amuyeeye, eco caamba buyo cintu comwe, kuti, kuli kasimpe kuti sikulikozyanisa uli mukusola kulilemeka mbuli.

²⁷³ Ngooyo Muuya Uusalala wini. Ngooyo Muuya wini wa Leza. Nzeezyo nguzu zini zya Leza. Ngooyo Mwana wa Leza uli mukulitondezya Mwini sunumasiku mbuli Muuya Uusalala, ku kutondezya Buumi Bwakwe. Uli imvvi awa sunumasiku akati kanu, mu ciwa ca Muuya Uusalala; kukoonda kugwisya makanchi oonse kuzwa kuli nduwe, kuzumbauzya; a kutondezya kuli nduwe, bubuke Bwakwe, kuti Ta fwide. Elyo Uli waano ku mutondezya kuti Ula pona, mbobuca nguwenya, sunu, amuya myaaka. Uli waano kulizibya Mwini a ndiswe. Sa ta tweedele kulizibya a Nguwe mpawo, kusyoma Ijwi Lyakwe a ku Li bweza?

²⁷⁴ Atu kombe.

[Ii mukwesu wasinsima—Mul.] Bulemu. Ameni. Ameni. Oh! Ameni.

²⁷⁵ O Mwami Leza, obo mbotu Ku lumba, Mwami! Tula ambilwa mu Lugwalo, kuti cindi Davida, cindi sinkondo nakali kunjila, nkabela bakali bungene antoomwe, nkabela Davida wakali kusola ku baambila makani aa Leza, mpaawo kwakaimvvi umwi akati kabo, a kusinsima a kubaambila cakucita, a nzila ya kuzunda sinkondo. Nincobeni, Mwami, tula syoma cintu nciconya, Muuya wa Leza ula wida akati kesu, alimwi Ijwi mbusena bwa kuzunda sinkondo.

²⁷⁶ Nce ncico Nco kapa Adamu a Eva, mu muunda wa Edeni, ku kuzunda sinkondo. Elyo cindi Eva nakabuzya a Ndilyo, a kutondezya kubuzyabuzya ku Ijwi, lya kamwaika, a cibi caka njila.

²⁷⁷ Nincobeni, Mwami, oyo wakali kuwa kuselemuka kwa bantu, kwiinda mu makkalo, kusola kunjizya cintucimwi a Ijwi. Sarah wakasola cintu nciconya, kunjizya cintucimwi, kunjizya Hagare, ku kuleta mwana, pele caakacilwa do. Lyoonse, cakali munzila eyo, Taata. Tu—tu yanda buyo Ijwi Lyako, alimwi eelyo lilikke; taakwe caka yungizigwa kuli Ndilyo, na kugusigwa kuli Ndilyo, nzila buyo mbo Li bede. Elyo Uli Ijwi eli. Elyo tulimbide kuli ceeco.

²⁷⁸ Longezya bantu awa, Mwami. Ndi jisi lino, mu masiku aya a masiku, kasola kwaamba zintu ezi, kuti Kuboola Kwako—

Kwako—Kwako kuli afwaafwi. Zintuzyonse zili mukubamba nzila eyo.

²⁷⁹ Elyo kuzwa ku ii—ii cilengaano, mvwiki zisyoonto zyainda, wa kandi tumina okuno ku Arizona. Nse zyi kaambo. Akube kuti Muunzi wangu uuboola. Ta ndizi. Ci—ci boneka maningi munzila eyo.

²⁸⁰ Pele, Mwami, andi manizye nzila yangu a...a kujatilila Lusyomo, kubamba zikobela zyangu kutaambilwa, Mwami, ku luzyalo lwa Kristo. Andi konzye kwiima mu buzuba obo, a kwaamba, “Nda kalungulula Luyando loonse lwa Leza, mbuli mbo Nda ka Lu ziba kuba Bwini, alimwi Nda keenguluka kwaamba cintu.” Ko cipa.

²⁸¹ Akube kuti bakwesu, Mwami, mbubonya, kusangana antoomwe a kuswena munsi loko, a kuziba kuti kukulwaizya oku takuli—takuli kutapatilwa, pele nkucenjezegwa, a kulangilila mbali mpati. Ko cipa, Taata. Mbuli mbo cakaambwa buyo kuli ndiswe, kuti, Uyo tubeteka kwiinda ku Ijwi eelyo lya Mulumbe. Leza, ndilekele kulanga ndemwini, alimwi, Ndi fwabweeme kuli ncico, Mwami, mu ciboniboni ca Ijwi lya Leza.

²⁸² Nda lwanina, “Elyo cakusyomeka, cakusinizya kulwanina Lusyomo olo lwaka pegwa ku basalali ciindi cimwi,” mbuli Juda mbwa kaamba kuti tweede kucita. Elyo twa kasyomezegwa, kuti, “Ku mazuba akumamanino, olu Lusyomo lwa matata luyo boozegwa alubo, ku Lusyomo lutaanzi lwa pentekoste.” Wa kacisyomezya, muli Malaki 4. Wa kati ciyo citika. Elyo, Taata, akube kuti tu kalangilile, a meso esu—esu kaajuka cakumaninina, akuta ciimpya, mbuli mu makkalo mbwa kacita lyoonse. Pele akube kuti meso esu ajuke, kubona Jesu Kristo mbuli Mbwa tondezegwa mu bulemu Bwakwe akati ka bantu Bakwe babombe, ku gusya bantu, kuzwa kuli baaba Bamasi, nkambo ka Zina Lyakwe. Ko cipa, Mwami.

²⁸³ Longezya mbunga eyi lino. Nda kanana kwa ciindi cilamfu. Mwami, Nse konzyi kuli lekelela (nkaambo, Nda kalimvwa kwaamba eco Nce kacita), kuba jatilila kwa ciindi cilamfu. Pele Nda Ku lumba nkambo ka baalumi a banakazi, sunu, abo—ba konzya kwiima, alimwi bayo nyonanyona, alimwi—alimwi kusola kujatilila matende abo—abo aa cibuye, a kuswiilila ku Mulumbe. Nda Ku lumba ku mambungano mbuli aya, ayo jula mulyango a kwaamba, “Ko boola mukati. Ko tuyiisya. Na, kambauka a ndiswe. Kotu gwasya.” Leza, ko Ku lumba kuli baaba.

²⁸⁴ Alimwi Ulumbwe ku kasensa, akalo, ka makwebo aa inyika, a Bantu Basimakwebo. Mwami, akube kuti zikobela zyabo zikkale kazitabitwe kuzwa ku zintu zya inyika. Ko cipa. Ko bubamba kuba busena bwa kufutukila bwa bantu, Mwami, kuti—kuti ndiza, ku busenabumwi bantu taba kaunki ku mbungano, bayo unka kumvwa bantu basimakwebo

kwaambaula. Elyo akube kuti buumi bwabo—bwabo bube munyo maningi ku luzyalo lwa Leza, a bubombe bwa Muuya Wakwe, kuti—kuti inyika iyo sukamina kuba musyobo oyo wa bantu. Ko cipa, Mwami. Kotu leleka lino, antoomwe.

²⁸⁵ Mwami, kotujatila tumpenda twesu. Kojatila zibi zyesu, a kulekela inzila zya myoyo yesu kujuka. Akube kuti Mwaami wa Bulemu weende akati kesu lino, ikuti na twa jana luzyalo ku meso Ako, kwiinda ku kweempwa bulubizi bwesu. Kwiina kuzumbauzya, moyo wangu weempwa, myoyo minji imbi ya keempwa. Elyo ikuti na twa jana luzyalo, Mwami, kotu bumba lino.

²⁸⁶ Salazy matempele esu, kutegw Ijwi lya Leza muumi likonzye kupona akati kesu a kutondezya kuti Jesu Kristo ta fwide. Tali sikutalisya uufwide mbuli Mohammedi, na—na Buddha, na bumwi bumbi bwa tukamu twa nguzuuzu. Ula pona, bbala lyaamba uliko eno, Jesu wakabuka. “Ula pona kwalyonse, alimwi takonzyi kufwa limbi,” alimwi wa tupu Buumi Butamani, alimwi walitondezya Mwini akati kesu. Elyo swebo, Mwami, kutondezya luzyalo Lwakwe kuli bamwi.

²⁸⁷ Kotu gwasya, Taata, mbuli Mbo kasyomezya mu mazuba aakumamanino eco ciyo citika, mbubonya buyo mbo cakabede mu mazuba akwa Lota. Akube kuti swebo, mbuli baabo bakazwa ku Emau, kuya ku muunzi sunumasiku, katangala, nkaambo tula Ku bona kucita cintucimwi mbuli mbo baka Ku bona kocita Nokamana kubuka kuzwa ku bafu; kuziba kuti cakali cintu nciconya Nco kacita Yebo kotana kufwa, mpawo ba kaziba kuti Wa kabuka. Ko cipa, Taata. Twa lomba mu Zina lya Jesu. Ameni.

²⁸⁸ Lino, lino, Nda—Nda kaamba kwa ciindi cilamfu. Pele, eci, Ta ndizi kuti inga Uyo cita eci. Ta ndizi kuti Uyo cita. Ndiyo Mu lomba buyo. Nda syoma, ikuti na Nda bikka buumi bwangu awa ku...aa cijailo, kwiiminina Ijwi eli, mpawo, ku bubotu bwa luzibo lwangu.

²⁸⁹ Nseli uutabisyi. Ndi jisi kunji kwa kulengelela ali ndime. Pele, oora lyoonse Nda caamba, cakuzumanana. Cindi Nda bona bulubizi bwangu, mpawo Nda futatila eco, a kusola kucita eco ciluleme. Inga nsesola kuyaku Julu aa zyelelo zyangu. Inga nse sika okuya. Nda syoma cakusiniza muli Jesu Kristo. Walo Ndusyomo lwangu. Nda—Nda—Nda syoma muli Nguwe. Inga nsesola kunjila nkaambo Ndili mukwesu wa Pentekoste. Inga—Inga nsenjila mu zyelelo zya Pentekoste. Nda njila mu bweelelo bwa Bulowa bwa Jesu Kristo. Wa kandifwida.

²⁹⁰ Elyo nce ncico Nce yanda kuti musyome, bweelelo Bwakwe. Elyo mpawo mbobuti mbo ziba kuti muya buya? Ncindi Ijwi lyoonse nelili, ula Li zumina kubelesya, “Ameni. Ameni.” Nkaambo, Ndi Ijwi Lini kusola kuli simpikizya Lini. Elyo ikuti na twa kaka Ijwi eelyo, mbobuti mbo Li konzya kuli simpikizya Lini?

²⁹¹ Lino, Jesu wakati, “Oyo usyoma Ndime, milimo Nje cita uyo icita awalo.” Sa mbo mbubo? Elyo mpawo ncinzi Nca kaamba muli Johane 5:19? “Ncobeni, ncobeni, Nda mwaambila, Mwana takonzyi kucita cintu muli Lwakwe, pele eco Nca bona Taata kacita.”

²⁹² Wa kainda mu ciziba ca Betisaida. Mpaawo kwakalede makamu aa bantu, ndiza ziindi zili makumi obile na makumi otatwe eco cili mu buyake obu sunumasiku. Kuli bantu bali myaanda yone na yosanwe, ndiza, bakkede awa sunumasiku. Ta ndizi, pele inga kakuli banji boobo. Pele ndiza kuli bali zyuulu. Nda mvwisya kuti “makamu” aanga akkwana kuba zyuulu. Lino, nkelede alya, a balema, basunkuta, boofu, bayuminide mibili, Wa kaponya muntu omwe, nkaambo Wa kalizi kuti muntu wakali munzila eyo. I Taata waka Mu tondezya. Mwabona? Kasiya bamwi babo. Mwabona? Elyo mpawo Wa kabuzigwa obo.

²⁹³ Pele Bbaibbele lyakati, kwiinde lufu Lwakwe, kuzikkwa, a bubuke Bwakwe, kuti, sunumasiku, “Walo Mupaizi Mupati.” Sena mula syoma obo? [Mbunga yaamba, “Ameni.”—Mul.] Sena mula syoma kuti Walo ucipona? [“Ameni.”] Alimwi sa Walo Mupaizi Mupati ukonzya kugumwa kwiinda kukulimvwa kwa kulengauka kwesu? [“Ameni.”] Ee, ikuti na Walo Mupaizi Mupati nguwenya, kweendelana ku Bahebrayo 13:8, mpawo inga Wa cita nzila njionya. Sa mbo mbubo?

²⁹⁴ Lino akube kuti tusalazye myoyo yesu kuzwa ku zibi zyoonse. Akube kuti tulyaambe bulubizi bwesu. Akube kuti tulyaambe kutasyoma kwesu, kuti twa kalubizya, a kwaamba, “Mwami Jesu, mpaawa Mpendi. Ndili bulide, sunumasiku. Koli tondezya Omwini mu buumi bwangu. Amu ndipe lusyomo olo mwanakazi oyo ndwa kajisi, lwa kaguma cikobela Cako.”

²⁹⁵ Elyo Njo amba, “Mwami Jesu, Nda ima ku Ijwi Lyako.” Oko kwakali kutumwa kwangu, “Kambauka Ijwi.” Nda kaima munsi lya Ndilyo. Ndi—Ndi yanda kufwa kwiinda kuli Ndilyo. Elyo Nda—Nda kaima a kubamba zintu zimwi ziyumu, nkaambo ka Ijwi, a kukkanala awo, pele lyoonse Wa ka Li simpikizya.

²⁹⁶ Lino Ndi yaamina kuli Nguwe kusimpikizya Ijwi eelyo. Aci sowe... Amu Mu lekele Akakunke kwiinda muli ndiswe sunumasiku, mbuli mbo tu komba.

²⁹⁷ Mbangaye omuno bacisidwe, babulide, ba bulide cintu cili coonse? Amunyamune maanza anu mujulu a kwaamba, “Oyo ndime, Mwami. Nda syoma, Mwami.”

²⁹⁸ Ndi yanda kuswiilila kwanu kutaabawidwe, cabubotu buyo mbuli mbo mukonzya, kwa ziindi zisyoonto.

²⁹⁹ Ikuti, kwamana Mulumbe oyu, nkabela Kristo uyo litondezya Mwini mu bantu, a kubona kuti muntu umwi mucete ujisi lusyomo lukubwene lwa kuguma cikobela Cakwe, alimwi Nda konzya kulipa lwangu ku Muuya Wakwe, a kuziba kuti oyu Muuya Uusalala! Mpawo, ikuti na uzulilwa ku cintucimwi cimbi

kunze lya nkamu eyo iisyoma Ceeci, mpawo inga Nda boola oko nko basyoma Bwini. Mwabona? Inga ndacita. Inga ndacita nconzyo. Inga ndasyoma, nkaambo Leza kaliyubununa Mwini. Uta lizibyi omwini lino aba Farisi abaabo bata syomi, balo boofu, nkaambo Jesu wakati taba ka Mu bona limbi. “Pele muyo Ndi bona, nkambo Njo oba a ndinywe. Njo oba muli ndinywe. Muyo Ndi bona.” Ee, ikuti na Walo Mupaizi Mupati nguwenya, eyo nje nzila njo konzya ku Mu bona, kwiinda mukulitondezya Mwini mu nzila njiyonya Nja kacita kaindi. Sa obo mbwini? Yaa.

³⁰⁰ Lino, kosyoma a moyo wako oonse. Koba a lusyomo. Uta zumbauzyi, kokomba, elyo mpawo tuyotuyo bona eco Nca kaamba. Lino, kosyoma buyo a moyo wako oonse.

³⁰¹ Lino, Taata Leza, Nda kanana Nduwe a ku Ijwi Lyako. Nda kacicita mu nzila iipasaukide, Mwami, Ndi lizi, pele nce cibotu kwiinda Nce zyi. Zyoonse ezi mvwiki zyobilo, Nda kakkala a Ncico cakuzumanana, Mwami. Buumi bwangu boonse, Nda kasola kukkala a Ncico. Lino, Mwami, zwidilizya Ijwi Lyako sunumasiku awa, mbuli lubukulusyo mbo lujala. Aci zibwe, Mwami, kuti na twa iminina eco ciluleme, nguzu ziyo twiiminina. Ko cipa, Mwami. Kuti tula syoma, kuti Wa kaba ndiswe, ku kubweza zibi zyesu; kutegw tube Nduwe, bana ba Leza, ku kutondezya Ijwi lya Leza, lyaka simpikizigwa, kuli tondezya kwiinda mu buumi bwesu bwa mulimo oyo Ngo katupa. Ko cipa, Mwami. Twa lipa kuli Nduwe lino mu Zina lya Jesu Kristo. Ameni.

³⁰² Lino amube buyo a lusyomo. Muta zumbauzyi, pele-pele amusyome a moyo wanu oonse lino. Sena mula syoma? [Mbunga yaamba, “Ameni.”—Mul.] Nyoonse amusyome. Lino, muta zumbauzyi. Kokomba buyo, kuli lwako. Koba a lusyomo eno. Uta zumbauzyi, pe. Ko litontozya lwako eno. Amuswiilile kuli ceeco Muuya nco waamba kuli ndinywe. Amube a lusyomo muli Leza. Amube a lusyomo muli Leza.

³⁰³ Ino undi langila nzi cakusiniza loko? Ula ndisyoma kuba mulanda Wakwe? Nse kuzi. Nsen a kubwene, pele mwanakazi buyo ukkede alya undi langide ndime. Takuli kuciswa kwini nkwa libilika. Walo ulilibikila muntuumwi umbi. Walo musimbi mukubusyi. Waa zwaa kusweeka. Waa zwa ku muunzi. Walo musimbi buyo, musimbi mukubusyi. Eci caka pangwa kwa ciindi cilamfu. Kuciimo, Nse bwene ntenda kuli nguwe. Koba a lusyomo. Kosyoma Leza, Uyo mutumina ku muunzi kuli nduwe.

³⁰⁴ Ino waa guma nzi? Lino, mwa mubona mwanakazi. Nsen a mubwene mu buumi bwangu. Walo, mweenzu, umaninide.

³⁰⁵ Ngooyu mulindu uukkede nkoonya kusule *awa*, meso kajalidwe, kapaila. Walo uciswa ii—ii penzi lya muzindo, alimwi kuzwa malowa mukati. Walo uciswa penzi lya moyo. Uyo ciimpya. Leza, kotu gwasya. Muka Willingham, amu syome aa Mwami Jesu Kristo. Lino mwa citambula.

³⁰⁶ Lino kolomba mwanakazi. Tuli beenzu kumaninina. Yebo watyi, "Yebo waita zina lyakwe."

³⁰⁷ Baa, sa Jesu takaambila Simooni kuti, "Zina lyako ngu Simooni. Uli mwana wa Jonasi"? Amube buyo a lusyomo muli Leza. Sena mula cisayoma?

³⁰⁸ Lino amu sinizye. Amusyome. Muta zumbauzyi. Amubikke buyo mizeezeo yanu ali Leza, a—a ku Mu syoma.

³⁰⁹ Ino Ucita nzi? Uli mukulizibya Mwini. Uli mukulitondezya Mwini. Lino, ikuti na toyeyi kuti cili luleme, Nda kulomba kuboola ku cikambaukilo a kucita cintu nciconya.

³¹⁰ Kuli i—i mwanakazi muniini. Uli kkede kusule awa a shawelo atala lya mutwe wakwe. Walo muna Spanish. Kwalo ukombela mwana musimbi. Oyo mwana musimbi kkali kokuno. Lino wa bikka maanza akwe ku busyu bwakwe. Elyo uli... Oyu mwana musimbi ukkala oko kuli maanzi manji, oko lwizi nko luvuuma, mu San Diego, California. Elyo ujisi kuzimba akucisa kwa nsinga zya bulowa a buyumuyumu bwakusilikwa, alimwi utandila kuba akunyongana kuyeeya. Sena ula syoma kuti mupailo wako mpawo waguma moombe wa cikobela Cakwe, mucizi wangu muniini muna Spanish, nkabela mwana wako musimbi uyooba kabotu? Ikuti na wacita, tambika janza lyako a kuli tambula. Ncibotu, inga wa citambula. Cabatama okuya munsi lyako eno. Uta zumbauzyi. Kosyoma.

³¹¹ Eco cakali kugambya kuli nduwe, embo na, mulindu, ukkede alya? Bikka janza lyako ku mpemo yako, a kupukuta busyu bwako mpawo; kaamba cintucimwi mu kazila; usamide bbaki lya bbulu, ukkede awo. Iiyi. Neibotu. Ikuti na uyo syoma a moyo wako oonse, mpawo oyo moyo uyo lulama nkabela akutaba apenzi limbi eelyo ndyo kali kuciswa. Ikuti na mbo mbubo, koimikila ku matende ako, kupa bumboni buyo kuti obo mbwini. Ndili mweenzu ku mulindu. Ameni. Sena mula syoma? Nincobeni. Uh-huh. Lyoonse amusyome.

³¹² Nda bona, alimwi mubwini mwaalumi wamusela waakatikati. Sena mwabona Mumuni oyo, wa mubala usalaluka, kaulengelela nkoonya okuya, kausomoka ncobeni atala lya mulombwana oyo? Lino ula kombi. Walo ukotamikide mutwe wakwe. Elyo kuli cintucimwi eco caambwa, eco caka kwelelezya kuswiilila kwakwe ku kukomba. Nkaambo, uzwa ku California, awalo, mbuli mbo kwazwaa kwaambwa. Pele uzwa ku Fresno, California. Ula ciswa a kufundilila. Ba. Korol, ikuti na wasyoma a moyo wako oonse, inga waunka ku muunzi a kuba kabotu, ayebo. Ameni. Ko cisayoma lino. Ikuti na mbo mbubo, tambika janza lyako. Sa tuli beenzu? Tambika janza lyako. Yaa.

³¹³ Mula syoma? Ino oyo muntu waka guma nzi? Wa guma Jesu Kristo. Wiimvwi tukokola tuli makumi otatwe kuzwa kuli ndime.

³¹⁴ Nda muzundikizya, mu Zina lya Jesu Kristo, kusyoma kuti oyu Mulumbe wa Muuya Uusalala mu mazuba aya akumamanino nkujala kwa makani aa inyika. Nda muzundikizya kusyoma kuti Nda—Nda Ci yiisya kuli ndinywe sunumasiku. Mula syoma kuti Leza waka ndituma. Ula cizwidilizya. Elyo lino, uta ndilemeki, pele kolemeka eco Nca kandi tumina, Ijwi Lyakwe, nkabela Leza uyo cipa, nkumbizyo yako. Nse konzyi ku Mu bamba kucicita, pele ikuti na moyo syoma.

³¹⁵ Awa, amulange awa. Sa tamu konzyi kubona Ceeco? Amulange *awa*, oyo Mumuni mpoonya *awa*. Uli mpoonya atala lya musyobo oyu wa mwanakazi uneneede uukkede awa. Nse muzi mwanakazi. Nsenya mubwene mu buumi bwangu, pele uli cisidwe. Ula ciswa. Waa kali kuli dokotela, alimwi, cintucimwi, kulangwalangwa kwa katondezya kuli mu tumbongolo. Musyobo umwi wa zilonda. Peepe, dokotela waamba kuti maausa mu tumbongolo. Mbo mbubo. Mbo mbubo. To zwi kokuno pe. Uli kokuno ku kuswaya. Sa mbo mbubo? Tambika janza lyako. Uzwa ku Michigan. Mbo mbubo. Uli waano kuswaya mwana, alimwi uli mu musyobo umwi wa mulimo wa maredio iwa musyobo umwi. Zina lyako ngu Muka. Erb. Koba a lusyomo muli Leza. Koya ku muunzi a kuyo cijana nzila njo yanda, ikuti na wasyoma a moyo wako oonse.

³¹⁶ Sena mula syoma? Sa muli libambilide kuba a masifwilila aa kutasyoma kuzwa kuli ndinywe? Sena ula syoma kuti inga wabona Kristo kalitondezya Mwini, mbobuca nguwenya, sunu, amuya myaaka? Ngu Leza. Sena mula syoma obo? Amwaambe, “Ameni” ikuti na mula cisyoma. [Mbunga yaamba, “Ameni.”—Mul.]

³¹⁷ Mpawo amu bikke maanza anu atala lya umwi aumwi. Ndiyo mutondezya Ijwi Lyakwe, ikuti na muli basyomi. Wa kati, “Ezi zitondezyo ziyo batobelabo abo basyoma. Ikuti na baka bikke maanza abo aa balwazi bayo pona.” Amu bikke maanza anu ali umwi aumwi lino.

³¹⁸ Amu jale meso anu. Amu kotamike mitwe yanu. Amu kombelane umwi aumwi. Amu kombe. Nseli ndime. Amu kombe. Kristo, abusena akati kanu oko!

³¹⁹ Taata Wakujulu, mu Zina lya Mwami Jesu, akube kuti Kristo atondezegwe mu buumi boonse awa sunumasiku. Elyo koponya balwazi, Mwami. Twa tanda madaimona oonse aa kutasyoma, kuti Mbungano ya pentekoste ikonzye kubona kutondezegwa kwa Jesu Kristo mu buumi bwabo, mbuli mbo baka cibona busiku obu. 

63-0123 Kulizibya
Assemblisi Ntaanzi Ya Leza
Phoenix, Arizona U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubellesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org